

四庫全書

史部

欽定四庫全書

史部

欽定大清一統志卷

十二


御史<sub>臣</sub>邱文愷覆勘

總校官檢討<sub>臣</sub>何思鈞

保  
正  
府  
圖

保定府圖







保定府表

保定府

清苑縣

漢	前漢涿郡 及中山國 地後漢涿郡								
三國魏	范陽郡地	新址縣地							
晉	范陽郡地	新城縣地							
齊周		齊廢	齊廢	齊復曰樂	齊復曰樂	齊復曰樂	齊復曰樂	齊復曰樂	齊復曰樂
隋	河間郡地	清苑縣	開皇十八年改名屬河間郡						
唐	冀州地	清苑縣	屬冀州						
五代	晉初入遼 置秦州開 運二年收 復廢	清苑縣	遼為河治 皆仍屬冀 州						
宋遼	保州治地 郡建隆初 置保塞軍 太平興國 六年改置 州政和三 年賜郡名 屬河北西 路	保塞縣	太平興國 六年改名 州治						
金	保州治地 郡建隆初 置保塞軍	清苑縣	大定十六 年復故名						
元	保定路太 宗十一年 升順天路 至元十二 年改名屬 中書省	清苑縣	保定路治						
明	保定府 改府直隸 京師	清苑縣	保定府治						

前漢屬涿郡後漢省

齊復曰樂

齊復曰樂

齊復曰樂

齊復曰樂

齊復曰樂

齊復曰樂

齊復曰樂

齊復曰樂

齊復曰樂

<p>安肅縣</p> <p>前漢屬中 小同復漢 屬平郡</p>		<p>滿城縣</p> <p>北平縣 屬中山國</p>	<p>廣寧侯國</p> <p>前漢屬涿 郡後漢省</p>
		<p>北平縣</p> <p>北平縣</p>	
<p>北平縣</p> <p>新復曰北 新城省入 永寧</p>	<p>永樂縣</p>	<p>永樂縣</p> <p>月改名 齊屬日黎 郡月廢</p>	
	<p>永樂縣</p>	<p>永樂縣</p> <p>屬上谷郡</p>	
<p>安肅縣</p> <p>太平漢國 六年置郡 大漢漢德 元年改名</p>	<p>安肅軍</p> <p>後唐置有 武備置 梁門口砦</p>	<p>滿城縣</p> <p>屬易州天 寶初改名 治北周罷</p>	<p>滿城縣</p> <p>晉懷柔州 治北周罷</p>
<p>安肅縣</p> <p>名</p>	<p>安肅郡</p> <p>天會七年 改徐州天 德三年改</p>	<p>安肅州</p> <p>屬保定路</p>	<p>滿城縣</p> <p>宋景德中 省入清化</p>
<p>安肅縣</p> <p>省八州</p>	<p>安肅縣</p> <p>洪武六年 廢為縣屬 保定府</p>	<p>安肅縣</p> <p>屬保定路</p>	<p>滿城縣</p> <p>屬保定府</p>



新 城 縣	定 興 縣	
	范陽縣 屬涿郡	燕武連邑
	范陽縣 屬范陽郡	
	范陽縣	
	范陽縣	南營州昌黎郡
固安縣地	道縣 開皇初改名屬上谷郡	新昌縣 齊廢遼東移為州郡 遂縣 開皇十八年改名屬上谷郡
新 城 縣 大和六年分新昌置屬涿郡	省入易州	遂 縣 屬易州
新 城 縣 晉八連		遂 縣
新 城 縣 宋宣和中改名成城		遂 縣 軍治 唐初七年廢 唐武德元年改名
新 城 縣 復改名	定 興 縣 大定六年復置改名屬涿州	遂 州 樂 山 天會七年升州貞元二年賜郡名
新 城 縣 晉升新太州尋廢至元二年改屬涿州	定 興 縣 改屬易州	遂 州 至元二年省入成肅後復屬保定路
新 城 縣 改屬保定府	定 興 縣 改屬保定府	洪武初省入成肅

唐縣	博野縣	望都縣	容城縣
唐縣 屬中山國	博野縣 前漢屬涿郡 後漢屬中山國	望都縣 屬中山國	容城縣 前漢屬涿郡 後漢屬中山國
唐縣	博野縣	望都縣	容城縣
唐縣	博野縣	望都縣	容城縣
唐縣	博野縣	望都縣	容城縣
唐縣 齊省入安	博野縣 齊省入博	望都縣 齊省入北	容城縣 齊省入燕
唐縣 開皇十六年復置屬河東郡	博野縣	望都縣 開皇六年復置大業初廢	容城縣
唐縣 屬定州	博野縣	望都縣 武德四年復置屬定州	容城縣 武德五年復置并置
唐縣 張改中山使唐復置改博野漢初復改	博野縣	望都縣	容城縣 晉初入遷 隋初入遷 宋建隆四年
唐縣 屬中山府	博野縣	望都縣 屬中山府	容城縣
唐縣	博野縣	望都縣 改名	容城縣 併兩縣為一 宋和八
唐縣 改屬保定	博野縣 至元三年省博野入 洪武初自 屬保定府	望都縣 改屬保定	容城縣 改屬保定
唐縣 屬保定府	博野縣 洪武初自 屬保定府	望都縣 屬保定府	容城縣 洪武初省 入雄縣十

新昌縣  
大歷四年  
分國安復  
置屬涿州

後唐省入  
新城

路  
改屬保定

縣	完	縣
		曲逆縣 屬中山國 漢武帝 改名蒲陰
		涪陰縣
高陽國 大柏元年 置		
		北平縣 郡 齊改涪陰 屬中山
	郡廢	北平縣 開皇十六 年置涪陰 縣大業初 省入屬涿 郡
		北平縣 屬定州舊 城在天二 年改曰涿 郡神龍初 復故
武德五年 置高州八 年廢九年 復置貞觀 初又廢		北平州 於郡州 廢 年復置仍 屬郡州 貞祐三 年屬安肅 州
		北平縣 後唐改興 三年改名 平泊
永寧軍 雍熙四年 置軍遠東 天聖七年 改名	北平軍 慶曆二年 置仍屬定 州	北平州 貞祐二年 升為州
永寧軍 天會七年 置軍州天 統三年改 名	永平縣 改名屬中 山府	完州 至元二年 廢州為永 平縣尋復 故而縣廢
		完州 洪武二年 降為縣屬 保定府
永寧縣 洪武二年 改屬保定 府八年廢 為縣		四年復置 屬保定府

雄縣

祁

<p>陸陵縣 前漢屬中山國後漢省杜帝復置改曰博陵東晉辟</p>	<p>易縣 前漢屬河間國</p>
<p>博陵縣 屬安平縣</p>	<p>易縣</p>
<p>博陵縣 改名為國治</p>	<p>易城縣 齊省入勃</p>
<p>博野縣</p>	
<p>博野縣 屬河間郡</p>	
<p>博野縣 初為州治州縣屬漢州永承中改屬深州</p>	<p>歸善縣 武德五年置初屬幽州後屬深州</p>
<p>博野縣 屬改屬定州</p>	<p>歸善縣 同公置為州治 歸信縣 太平興國中改名</p>
<p>博野縣 軍治</p>	<p>歸善縣 併入歸信 歸信縣 遠屬深州</p>
<p>博野縣 州治</p>	<p>歸信縣</p>
<p>至元三年省入州</p>	<p>歸信縣</p>
<p>歸信縣</p>	<p>歸信縣 洪武初省入州</p>

祁州隆祁州

祁州

祁州

雄州

雄州易陽

雄州

雄州

雄州

周顯德六年改復置

政和三年賜郡名屬河北東路

屬中都路

至元二十三年以屬保定路

洪武七年廢為縣屬保定府

州

東鹿縣

安國縣  
屬中山國

鄆縣

前漢屬鄆  
鹿郡後漢  
曰鄆

安國縣

前漢屬鉅  
鹿郡後漢  
省入鄆

貫縣

安國縣

鄆縣

安國縣  
屬博陵國

安國縣  
齊改名

齊省

義豐縣  
開皇六年  
復置改名  
屬博陵郡

鹿城縣  
開皇六年  
改安國置  
八年改名  
屬博陵郡

義豐縣  
屬皮州道  
歲通天二  
年改曰立  
節神龍中  
復改

東鹿縣  
武德四年  
屬廣州貞  
觀四年改  
屬深州十  
二年改屬  
冀州先天  
二年又屬  
深州至德  
二年改名

義豐縣

東鹿縣

郡  
景德元年  
徙置屬河  
北西路

滄陰縣  
太平興國  
初改名為  
州治

東鹿縣  
初屬鎮州  
淳化七年  
遷屬深州

滄陰縣

東鹿縣

此屬保定  
路

滄陰縣

東鹿縣  
至元二年  
改屬祥州

省入州

東鹿縣  
仍屬祥州  
天啟二年  
移治開頭  
市

欽定四庫全書

金少日人 三言

前漢屬金  
唐即後漢  
省入鄆

樂信侯國

前漢屬金  
後漢復漢  
省

西漢國

前漢屬信  
部國後漢  
省

# 安州

高陽縣地

高陽河間  
二縣地

唐縣

如意元年  
置武興縣  
屬京州神  
龍初改名  
武興二年  
武興縣

唐興縣

晉曰白  
川後復故  
興縣德六  
年省入武  
興縣

宋太平興  
國七年置

唐武興  
化三年置  
安興軍至  
道三年後  
廢

大定二十  
八年復安  
州宋治安

大定二十  
八年置為  
州治宋和  
八年移州  
後復

安州

初復興州  
至元二年  
省後復屬  
保定路

安州

洪武七年  
改州為安  
縣以葛城  
縣省入十  
四年復改  
安縣為安  
州屬保定  
府

高陽縣	新安縣
高陽縣 前漢屬涿郡後漢屬河間國	畧城縣地曰潭澤城
高陽縣	
高陽縣 屬高陽國	
高陽郡	高陽縣
開漢初郡 廢十六年置滿州大業初廢	高陽縣 屬河間郡
武德初復置滿州貞觀初廢	高陽縣 初為州治州廢屬瀛州
高陽縣	高陽縣
順安軍 天會三年升為安州大定二十八年從廢	高陽縣 熙寧六年省為嶺八州從廢高陽縣為順安軍治
治遷新縣以清城為屬縣廢中	安州 泰和四年徙置瀛縣
高陽縣 屬安州	新安縣 至元二年省入歸信縣九年復舊置屬安州
高陽縣 屬保定府	新安縣 洪武七年省入安州





欽定四庫全書

欽定大清一統志卷十

保定府

在東京師西約三百五十里東西距二百七十里南北距四百九十里東至河間府任邱

縣界一百十里西至定州曲陽縣界一百六十里

南至冀州新河縣界三百里北至順天府房山縣

界一百九十里東南至冀州治三百四十里西南

至正定府晉州治二百二十五里東北至順天府

霸州治二百十里西北至

宣化府蔚州治四百里

分野天文尾箕析木津及昴畢大梁之次

府東北清苑滿城安

肅定興新城容城雄縣皆古燕地當析木之次為

尾箕分野府西南唐縣博野望都完縣蠡縣祁州

東鹿安州高陽新安皆古趙地當大梁之次為界單分野

建置沿革禹貢冀州之域周屬幽州春秋戰國屬燕

戰國時南秦屬上谷郡南境屬鉅鹿郡漢屬涿郡分屬中山國及

鉅鹿後漢因之分屬中山河間二國及鉅鹿郡晉為范陽國地為

高陽中山河間後魏為高陽郡地兼為范陽中山博陵北平鉅鹿

諸郡地分屬隋為河間郡地兼為上谷博陵信都三郡地唐為

莫州地兼為涿易瀛定深諸州地屬河北道五代晉天福初割屬遼

始置分秦州開運二年收復州尋廢仍為莫州地

周分置雄州宋建隆元年始復分莫州地置保塞軍府之

基址始北太平興國六年升為保州政和三年賜名清

苑郡屬河北西路又分置廣信安肅永寧順安北平五軍與祁雄二州及中山府

分屬河北東西路其涿州地則入遼屬南京道金天會七年升保州為順

天軍節度屬中都路又增置遂安肅蠡安完五州與涿雄祁三州及中山府分

屬中都河北東西路元太宗十一年始升順天軍為順天路

置總管府至元十二年改為保定路領易祁雄安遂安肅完七

州府之疆域自此始大屬中書省明洪武元年改保定府隸

北平行中書省七年隸北平布政使司永樂後直

隸京師

本朝為直隸省治領州二縣十五

清苑縣

附郭東西距六十里南北距八十里東至安州界四十七里西至滿城縣界十三里

南至博野縣界七十里北至安肅縣界十里東南

至高陽縣界三十五里西南至滿城縣界二十五

里東北至安肅縣界三十里西北至滿城縣界三十

十里漢置樊輿廣望二國俱屬涿郡後漢二縣皆

省入北新城晉復置樊輿縣尋省改置樂鄉縣後

魏太和元和新城置清苑縣改樊輿置扶輿縣

又析置永寧縣與樂鄉縣俱屬高陽郡北齊省樊

輿北新城清苑樂鄉四縣入永寧仍改曰樂鄉隋

開皇十八年又改曰清苑屬河間郡唐武德四年  
改屬莫州貞觀七年還屬瀛州景雲二年改屬莫  
州五代晉初入遼置泰州開運二年克復仍廢為  
清苑縣宋建隆元年於縣置保塞軍太平興國六  
年改軍置保州仍改縣曰保塞為州治金大定十  
六年復曰清苑元為保定路治明為保定府治  
本朝滿城縣在府西北四十里東西距五十里南  
因之北距九十里東至安肅縣界三十里  
西至完縣界二十里南至望都縣界六十里北至  
安肅縣界三十里東南至清苑縣治四十里西南  
至完縣治四十五里東北至安肅縣治六十里西  
北至易州紫荆關一百二十里漢置北平縣屬中  
山國後漢晉因之後魏孝昌中屬北平郡興和二  
年分置永樂縣屬南營州樂良郡北齊屬昌黎郡  
後周省永樂縣改北平縣曰永樂隋屬上谷郡唐  
屬易州天寶元年改曰滿城五代晉天福初入遼

屬泰州開運初運屬晉徙秦州治北州尋廢縣仍屬易州宋景德中省入保塞縣金天定二十八年復置滿城縣屬保州元屬保定

路明屬保定府今本朝因之

**安肅縣** 在府北少東五十里東西距五十五里南北距六十四里東至容城縣界二十里西至滿城縣界三十五里南至清苑縣界四十里北至定興縣界二十四里東南至安州治四十里西南至滿城縣治六十里東北至新城縣治九十里西北至易州治九十里戰國時燕武遂邑漢置北新城縣屬中山國後漢屬涿郡晉屬高陽國後魏曰新城屬高陽郡永熙二年僞置南營州五郡十一縣北齊惟留昌黎郡領新昌縣隋開皇元年州移三年郡廢十八年改新昌曰遂城屬上谷郡唐屬易州五代周公置梁門口寨宋太平興國六年以遂城縣置威鹵軍又以梁門若置靜戎軍并置靜戎縣為治景德元年改威鹵為廣

信靜戎為安肅宣和七年廢安肅軍為安肅縣尋復為軍仍治安肅縣金天會七年改廣信軍為遂州安肅軍為徐州俱屬河北東路天德三年改徐州為安肅州徐郡軍貞元二年號遂州為龍山郡俱改屬中都路泰和四年廢遂州為城縣縣屬保州貞祐二年復置遂州元至元二年省遂州入安肅州後復置遂州俱屬保定路明初廢遂州入安肅州洪武六年又降安肅州為縣仍屬保定府

本朝因之

### 定興縣

在府北少東一百二十里東西距四十五里南北距五十八里東至新城

縣界二十里西至易州界二十五里南至安肅縣界四十六里北至易州涑水縣界十二里東南至容城縣界三十五里西南至安肅縣界五十里東北至新城縣界十里西北至涑水縣治三十里秦置范陽縣漢屬涿郡後漢因之晉屬范陽國後魏屬范陽郡隋開皇初改曰道縣屬上谷郡唐初廢

入易縣金大定六年始改置定興縣屬涿州元新  
屬易州明洪武六年改屬保定府本朝因之

城縣在府東北一百五十里東西距八十三里南  
北距七十里東至順天府霸州界八十里西

至定興縣界十里南至雄縣界三十里北至順天  
府涿州界三十里東南至順天府保定縣治九十

里西南至容城縣界三十里東北至順天府固安  
縣界四十里西北至易州涿水縣界四十里戰國

時燕督亢地漢置新昌縣屬涿郡後漢省唐大歷  
四年分固安縣地復置新昌縣太和六年又析置

新城縣皆屬涿州五代晉入遼宋時與遼分界於  
此宣和四年歸宋賜名咸城尋入金復曰新城元

太宗二年改新秦州七年復為新城縣屬大都路  
十一年屬順天路至元二年屬雄州明洪武六年

改屬保定府唐縣在府西少南一百二十里東西  
本朝因之

距五十八里南北距一百十里



東至望都縣界八里西至定州曲陽縣界五十里  
南至定州界三十五里北至完縣界七十五里東  
南至定州界三十里西南至曲陽縣界四十里東  
南至定州界三十里西南至易州廣昌縣界一百  
八十里春秋燕唐邑戰國屬中山漢置唐縣屬中  
山國後漢及晉因之後魏屬中山郡北齊省入安  
喜縣隋開皇十六年復置屬博陵縣唐屬定州五  
代梁開平三年改曰中山後唐同光初復故晉改  
曰博陵漢初復故宋屬中山府金因之博野縣在  
元屬保定路明屬保定府本朝因之

博野縣府

南九十里東西四十一里南北距六十一里東至  
蠡縣界六里西至望都縣界三十五里南至祁州  
界三十里北至清苑縣界三十里東南至深州饒  
陽縣治七十里西南至祁州治三十里東北至高  
陽縣治八十里西北至完縣治一百二十里漢置  
蠡吾縣屬涿郡後漢為侯國屬中山國晉屬高陽

國後魏屬高陽郡北齊廢盡吾縣入博野唐宋皆  
為博野縣地元至元三年省博野入蘇州三十一  
年復置博野縣屬保定路明洪武元年遷治故縣  
吾縣界屬祁州六年改屬保定府 本朝因之

### 望都縣

在府西南九十里東西距七十五里南北  
距四十五里東至博野縣界五十五里西

至唐縣界二十里南至定州界三十里北至完縣  
界十五里東南至祁州界五十里西南至定州界  
三十里東北至滿城縣界十五里西北至唐縣界  
二十里戰國趙慶都邑漢置望都縣屬中山國後  
漢及晉因之後魏初屬中山郡孝昌中屬北平郡  
北齊省入北平縣隋開皇六年復置望都縣大業  
初廢唐武德四年復置屬定州五代因之宋屬中  
山府金改曰慶都元屬正定路太宗十一年改屬  
保定路明屬保定府 本朝因之乾隆十一年十月  
皇上巡幸五臺

回鑿經此以縣與堯母同名  
特旨仍改望都  
容城縣 在府東北九十里東西距四十

里南北距二十七里東至雄縣界二十里西至  
安肅縣界二十里南至新安縣界十里北至定  
興縣界十七里東南至新安縣界十里西南至  
安州治四十里東北至新城縣治五十里西北  
至定興縣治五十里漢置容城縣屬涿郡後漢  
省入通縣晉後置屬范陽國後罷後魏太和中  
復置屬范陽郡北齊天保七年省入范陽縣唐武  
德五年復置又於縣置北義州貞觀元年州廢縣  
屬易州聖歷二年改曰全忠神龍二年改曰道縣  
天寶元年復曰容城五代晉天福初入遼仍屬易  
州周顯德六年亦置容城縣割屬雄州尋廢宋建  
隆四年復置仍屬雄州金初始合二縣為一泰和  
八年割屬安州貞祐二年改屬安肅州元仍屬雄  
州明初省入雄縣洪武十四年復置屬保定府

本朝完縣 在府西七十里東西距三十八里南北  
因之 距六十里東至滿城縣界二十里西至

唐縣界十八里南至望都縣界十五里北至易州  
界四十五里東南至望都縣界二十一里西北至

唐縣界十五里東北至滿城縣界二十五里西北  
至易州界一百里戰國燕曲逆邑漢置曲逆縣屬

中山國後漢章和二年改曰蒲陰晉因之後魏初  
屬中山郡孝昌中分置北平郡北齊郡廢省蒲陰

置北平縣仍屬中山郡隋屬博陵郡唐屬定州萬  
歲通天二年改曰狗忠神龍元年復曰北平五代

唐長興三年改曰燕平宋初復故慶厯二年置北  
平軍金改曰永平屬中山府貞祐二年升為完州

元至元二年廢為永定縣尋復為完州屬保定路  
明洪武二年廢州為完縣屬保定府 本朝因之

蠡縣 在府南少東九十里東西距三十二里南北  
距三十二里東至河間府肅寧縣界二十里

西至博野縣界十二里南至深州安平縣界十二里北至清苑縣界二十里東南至深州饒陽縣治七十里西南至博野縣治十八里東北至高陽縣治六十里西北至望都縣治九十里漢置陸城縣屬中山國後漢省入蠡吾本初元年改置博陵縣并州郡漢末郡廢以縣屬安平國晉泰始元年改縣曰博陸并置高陽國治馬後魏景明元年改縣曰博野屬高陽郡隋屬河間郡唐武德四年屬滿州五年以縣置蠡州八年州廢九年復置貞觀元年又廢縣屬瀛州永泰中改屬深州元和十年復隸瀛州後又屬深州五代周顯德二年改屬定州宋雍熙四年以縣置寧遠軍景德元年改永定軍天聖七年又改永寧軍宣和七年軍廢尋復故屬河北西路金天會七年升為寧州博野郡天德三年改曰蠡州屬河北東路元屬正定路至元三年省博野縣入州明洪武二年改屬保定府八年復改

州為縣

雄縣

在府東北一百二十里東西距六十五里南北距四十二里東至順

本朝因之  
天府保定縣界四十里西至容城縣界二十五里南至河間府任邱縣界十二里北至新城縣界三十里東南至順天府文安縣界八十里西南至新安縣治四十里東北至順天府霸州治九十里西北至新城縣治七十里戰國時燕易邑漢置易縣屬涿郡後漢屬河間國晉曰易城縣後魏復為易縣改屬高陽郡高齊天保七年省入鄴縣唐武德五年改置歸義縣屬幽州尋置北義州於容城以縣屬焉貞觀元年省八年復置歸義縣屬幽州大歷四年改屬涿州五代晉初入遼周顯德六年收復於縣置雄州宋太平興國中改縣曰歸信政和三年賜郡名曰易陽置廣德軍屬河北東路金仍曰雄州天會七年置永定軍節度貞元二年改屬初軍廢至元二十三年屬保定路屬保定路明洪

武初省縣入州七年改州為祁州在府南少西一  
縣屬保定府本朝因之

距四十七里南北距七十五里東至博野縣界十

七里西至定州界三十里南至定州深澤縣界三

十五里北至清苑縣界四十里東南至深州安平

縣治六十里西南至深澤縣治六十里東北至博

野縣治三十里西北至望都縣治九十里漢置安

國縣屬中山國後漢因之晉屬博陵郡後魏真君

七年併入深澤景明二年復置屬博陵郡北齊廢

隋開皇六年改置義豐縣屬博陵郡唐屬定州萬

歲通天二年改曰立節神龍元年復曰義豐五代

因之宋太平興國初改曰蒲陰縣景德元年移祁

州來治亦曰蒲陰郡屬河北西路金仍為祁州元

屬保定路明初省蒲陰縣入州屬保定府本朝

因東鹿縣在府南少西二百五十五里東西距五

之十八里南北距九十五里東至深州界

八里西至正定府晉州界五十里南至冀州新河縣界四十五里北至定州深澤縣界五十里東南至冀州界四十五里西南至趙州寧晉縣界三十里東北至深州安平縣界六十里西北至深澤縣界七十里漢置安定郡賁三縣皆屬鉅鹿郡後漢改郡縣曰鄴省安定賁縣入之晉屬趙國後魏曰鄴仍屬鉅鹿郡北齊改曰安國隋開皇六年改為安定十八年改曰鹿城屬信都軍唐武德四年屬廉州貞觀元年改屬深州十七年州廢屬冀州先天二年又屬深州至德二載改曰東鹿五代因之宋初改屬鎮州淳化九年還屬深州金因之元至元三年改屬祁州明因之本朝屬保定府安州在府東少北六十里東西距二十五里南北距六十里東至新安縣界十二里西至清苑縣界十三里南至高陽縣界三十五里北至容城縣界二十五里東南至河間府任邱縣界三十里西南



至蓋縣界五十里東北至新城縣界二十五里西  
北至安肅縣界二十里戰國時燕葛邑漢為涿郡  
高陽縣地隋為河間縣地唐如意元年析河間置  
武興縣屬瀛州長安四年屬易州尋復屬瀛州神  
龍元年改名唐興縣景雲二年改屬鄭州五代晉  
改曰宜州尋復故周顯德六年省入鄭縣宋太平  
興國七年改置唐興若淳化三年建為順安軍屬  
河北西路至道三年徙軍治高陽縣金大定二十  
八年升葛城為縣徙安州來治屬中都路泰和八  
年移州治渥域以葛城為屬縣元初州還治葛城  
至元二年省入高陽後復置安州仍治葛城隸保  
定路明洪武七年省葛城縣入州仍改州為縣十  
四年復置安州屬保高陽縣在府東南六十里東  
定府本朝因之西距七十里南北距  
五十五里東至河間府任邱縣界五十里西至清  
苑縣界二十里南至河間府肅寧縣界五十里北

至安州界五里東南至肅寧縣治六十里西南至  
蠡縣界十五里東北至新安縣治六十里西北至  
安肅縣治一百里戰國時燕高陽邑漢初置高陽  
縣屬涿郡後漢屬河間國晉屬高陽國後魏為高  
陽郡治隋開皇初郡廢十六年於縣置莫州大業  
初州廢屬河間郡唐武德四年復置莫州貞觀元  
年又廢仍屬瀛州五代因之宋至道三年自唐興  
若徙順安軍來治熙寧六年省為鎮八年復為縣  
仍為順安軍治金天會七年升軍為安州大定二  
十八年州徙葛城以高陽為屬縣泰和八年改屬  
莫州尋復故元屬安州明洪武八年併入蠡縣  
十二年復置永樂後屬保定府 本朝因之 新

安縣

在府東少北八十二里東西距三十五里南  
北距三十五里東至雄縣界二十里西至安

州界十五里南至河間府任邱縣界十五里北至  
容城縣界二十里東南至任邱縣界二十里西南

至高陽縣治六十里東北至雄縣治五十里西北至容城縣治三十里漢容城縣地曰渾渥城金泰和四年析置渥城縣八年移安州來治元至元二年州縣俱廢改為新安鎮入歸信縣四年割入容城九年復置新安縣屬保定路明洪武七年省入安州尋復置屬安州 本朝屬保定府

形勢城臨四野地坦平

即蔚之圖經

二水交流夾繞州

治

元志

北控三關南通九省地連四部雄冠中州控

雁門之紫塞引雞距之清流

元劉因賦

前有瀟瀟大陸

之利北有重關天險之固

廣志

羣山西峙衆水東滌

舊志

風俗古號多豪傑勁勇而沈靜

宋蘇軾集

性緩尚儒仗氣

任俠

馬端臨文獻通考

稍事詩書之業畧無器競之風不

以浮華為習而以耕織為生

元志

地勢廣濶民物蕃

庶

方輿志

土無奇貨民務農桑

舊志

城池保定府城

周十二里有奇門四濠廣五丈明建文四年都督孟善築隆慶初甃磚

本朝雍正七年重修

滿城縣城

周四里有奇門二濠廣一丈五尺遠

乾隆十八年復修

安肅縣城

舊有南北二土城相

時舊址明成化十一年甃磚

本朝康熙十八年重修

傳五代時築後南城毀明景泰中增修周四里門二甃以磚濠廣二丈

本朝順治中重修乾隆九

年三十一  
年復脩 **定興縣城** 周五里有奇門四濠廣一大  
五尺金大定七年土築明隆

慶五年甃磚 本朝順治十年  
重脩乾隆七年三十一年復脩 **新城縣城** 周三里  
有奇門

二濠廣三大明時因舊址增築 本朝  
康熙十四年重脩乾隆十九年復脩 **唐縣城** 周  
四

里有奇門三時因舊址增  
築 本朝以來屢加脩葺 **博野縣城** 周四里有  
奇門三濠

廣二丈有濠城隍明洪武  
二年土築崇禎中甃磚 **望都縣城** 周四里有奇  
門二濠城河

廣四丈相傳唐武德四年土築明時脩葺 本朝  
順治五年重脩康熙四年始甃磚乾隆七年三十

一年 **容城縣城** 周三里  
有奇門三濠廣三丈五尺  
復脩 明景泰後相繼脩築 本朝康熙

元年甃磚乾隆  
隆六年重脩 **完縣城** 周九里有奇門三隋時舊址  
明成化後屢修崇禎中甃磚

引堯城河水為濠

本朝康熙

蠡縣城

周八里門二濠廣三

十一年重修乾隆二十九年又脩

大明天順中因舊脩築崇禎中甃磚又築護城隄

本朝順治五年重修并引唐河水繞隄

縣城

周七里有奇門三環以濠明洪武初因舊重築本朝康熙中增脩

祁州城

周六

里有奇門三濠廣三大明成化

束鹿縣城

周六里有奇門

中因舊脩築隆慶初增築外城

四濠廣二丈餘明天啓四年

安州城

周五里有奇門四濠廣丈

土築本朝康熙八年重脩

餘宋楊延朗

高陽縣城

周五里門四濠廣四丈明

築明時增脩

新安縣城

周七里

十四年重脩

二

十九年又脩

濠明洪武間因舊址重

築崇禎十一年甃磚

本朝乾隆十七年重脩

學校保定府學

在府治東南元中統二年建本朝屢經脩葺入學額數二十名

清苑縣學

在縣治東北明洪武八年建本朝順治以來相繼增修入學額數十五

名滿城縣學

在縣治東南元至大二年建入學額數十二名安肅縣學

在縣治東南明洪武三年建

定興縣學

順治十七年重脩入學額數十五名

在縣治南元至元三年建本朝康

新城縣學

熙十一年重脩入學額數十二名

在縣治西元建本朝順治康熙

唐縣學

在縣治西

唐開元中建金泰和中重建

博野縣

治以來相繼增脩入學額數十二名

學

在縣治東明洪武二年建本朝

望都縣學

康熙二年重脩入學額數十一名

望都縣學

在縣治西北明洪武中因元舊址重建容城縣  
本朝康熙間再建入學額數八名

學

在縣治東北舊在縣東南明洪武  
中重建今所入學額數十二名

完縣學

在縣

治東元至元中建明洪武初重建  
本朝康熙八年重脩入學額數十二名

蠡縣學

在縣治東南元天曆三年建  
本朝順治十七年重脩入學額數二十二名

雄縣學

在縣北舊在東北明洪武八  
年重建今所入學額數十五名

祁州學

在州治東元大

德初建入學額數十八名

東鹿縣學

在縣治南明天啟中  
建本朝順治六年重

修入學額數十八名

安州學

在州治西元時舊址在州治  
東明洪武八年重建本朝

康熙四年重脩入學額數十八名

高陽縣學

在縣治東明洪武  
中建本朝康熙



三年重脩八學新安縣學  
在縣治東南元至元  
額數二十三名  
初建八學額數十八

名蓮池書院  
在府治南  
本朝雍正十一年

世宗命各省督撫於會城建立書院各  
賜銀千兩以為肄業諸生膏火直隸總督李衛即元張景蓮花池

故址修建講堂延師課誦名蓮池書院乾隆十五年  
年總督方觀承復加修葺

皇上巡幸嵩嶽五臺屢經  
臨憇

御賜萬卷樓燕幢書院榜額並

御製蓮池書院詩及蓮池十二景詩  
按蓮池上有臨漪亭臨鶴泊水曹學佺名勝志鵷

泊泉亭館臨湖即此  
又有君子亭亦張景所建  
又有柳塘西溪北潭皆引渠雖水幽景特勝  
按今

完縣城東有燕平書院乾隆二十二年建安肅縣  
城東有古遂書院乾隆二十四年建其餘各州縣

皆設有義學又清苑縣舊有上谷書院在縣治西  
北明萬曆中建祀二程及朱子完縣舊有忠孝書  
院元至元中建安州治東北葛城故城基舊為正  
學書院明嘉靖中建新安縣西二十里有靜修書  
院元邑人劉英李蒙等嘗從劉因學因毀英等于  
此建祠祀之皇慶間賜額靜修書院設院長後皆

廢附記

於此

戶口

原額人丁四十一萬八千四百九十  
九又滋生丁二萬九千二百六十八

田賦

田地四萬一千三百九十頃八十畝七分零微  
銀二十一萬九千一百九兩五錢二分零豆一

百五十七石九斗七升零  
穀二十三石六斗三升零

山川眺山

在滿城縣北三里巍然特立不與西山脈  
絡相連山北有舞馬黃金二洞又有謁山

在縣北七里山勢東出狀如朝陽又北眺玉山在  
山在縣北十五里孤特高聳故名曰眺

城縣北十五里山多白石如玉所謂燕石次玉者  
也下有玉山店又環山在縣北二十里一名紫口

山陵山在滿城縣西南三里形如巨舟頂有一畝  
石上有仙人跡南面數大冢相傳為齊順

王陵抱陽山在滿城縣西南金史地理志清苑有  
故名抱陽山舊志在今縣西南十里兩峯

環抱南向中谷溫和隆冬冰雪不積故曰抱陽又  
以花木蓊鬱亦曰花陽有石洞數十處又有龍潭

水常不竭山上為聖教寺有石林石井石魚條山  
門又有寶珠巖巖下有明珠窩滴水成池

在滿城縣西北五里形如巨魚即桑欽水經所  
謂魚山也山極險曠又黃土山在縣西北十里荆

山在滿城縣西北十五里山多產荆樹故名班姬  
旁有松山多松樹風雨撼之每作笙簧聲

山

在安肅縣西一名班妃山王存九域志遂城縣有班姬山隋煬帝東征於山上置班姬廟故云

明統志班姬山在安肅縣西五十里縣志今在縣

西四十里按魏書地形志永寧縣有班姬神石

關神永寧今清光縣齊時曾省北新城羊山在安

肅縣永寧地本連接所謂班姬當即指此

西四十里舊志宋咸平元年田敏

敗避於羊山即此今亦名楊山

里東臨峭壁中有谷甚宏故初八曰釜陽口內有

釜山村泉甘土肥物產鮮美黃帝合符釜山或以

為即此其西又有黑山背陽面陰土

壤深黑漢末張燕據此號黑山賊

西四十五里四面高爽中為大

豁然平曠道路圍繞其內故名

龍山在安肅縣

理志遂城縣有龍山蕭德言括地志在遂城西南二

十五里其上往往有仙人及龍行跡樂史太平寰

宇記唐天寶七年勅改遂城山安肅縣志山  
在今縣西五十里俗名龍堂坡盤鬱坑堦上

有瀑  
**藥欄山** 在安肅縣西六十里  
**牟山** 在安肅縣西北

五十里土阜無石一望坦夷地脈  
深厚人多耕占為田謂之牟山村  
**磨巖山** 在

縣西十五里形如**磨狼山** 在唐縣西二十里鄜道  
石罅有水名滴翠泉

北隋書地理志唐縣有郎山按今**風山** 在唐縣西  
縣治作狼山蓋郎狼狼三字通也

上有石穴風吹有**羅喬山** 在唐縣西三十五里四  
聲其名如鐘故名

羅道成喬全二  
**堯山** 在唐縣北漢書地理志唐縣  
仙所居故名

唐縣東北望都界水經注唐城北去山五里俗謂  
之都香山即是堯山在唐縣東北望都界皇甫謐

欽定四庫全書

欽定大清一統志

曰堯山一名豆山今山在城北而如東嶄絕孤峙  
虎牙傑立山南有堯廟是即堯所登之山也地理

志曰堯山在南今考此城之南無山以應之論者  
咸以地理志之說為失舊志唐山在縣北八里為

邑城脊背一粟山在唐縣北十三里水經注唐水出中  
曰唐巖山山城之西城內有小山在城西側水

銳上若委粟焉疑即地道記所云望都縣有封山  
委粟關也唐書地理志唐縣北有委粟故關

在唐縣十八里山下有育山在唐縣東靈源山在  
封莊社俗呼為丹鳳山育山北十里

縣東北十五里半山有靈源望都山在唐縣東  
寺山上有井可以下窺曉月

晏注望都縣堯山在北堯母慶都山在南登堯山  
見都山故以為名後漢書地理志注堯山望都山

相去五十里水經注唐城東有山孤峙世以山不  
連陵名之曰孤山孤都聲相近疑即所謂都山也

李吉甫元和郡縣志孤山即都山在縣  
東北五十四里舊志在縣東北十八里  
父子山

在唐縣西北四十里下臨唐河山腰有明伏洞  
其相接者曰神活山舊名石河山居民避兵得

免因改今名又有白合山  
栢巖山在唐縣西北六  
亦臨唐河上有白合寨  
十里山南有賈

島洞乾隆十一年十五年  
年二十六年四十六年

皇上巡幸五臺  
鑿輿經此皆有

御製詩

葛洪山在唐縣西北七十里山與恒嶽相接  
峯巒環簇巖壑奇勝相傳葛洪修道

於此故名

皇上命學士張若澄繪葛洪山圖

御題長句以記其西  
南有老姑峪  
大茂山在唐縣西北李昉  
太平御覽載北嶽

欽定四庫全書

欽定大清一統志

十六

恒山一名大茂山與遼分界舊志在縣西北一百五十里北亘雲蔚南連正定為河東河北

之捍蔽其麓有石門村詳見正定府曲陽縣紫微山在博野縣北紫

赤亦名伊祁山在完縣西魏書地理志望都縣有伊祁山隋書地理志北平縣

志在縣西二十里祁水發源於此或以此為堯

山大蒐山在完縣西二十五里山勢巍峩五雲泉發源處又有油山在縣西南屹然

峭峙石壁壇山在完縣西二十五里與馬耳山瑩澗故名相接有金龍桃花二洞與馬耳

山洞地穴相通洞前澗僅丈餘壁立百仞上透青霄其石溫潤如玉有龍蛇之狀雲輿輶雨

馬耳山在完縣西三十里與唐縣接界雙峯並峙形如馬耳上有桃花洞歲旱禱雨屢應山



前有石臼泉舊志東屬完縣  
峯微小西屬唐縣二峯較大  
栢山在完縣西南  
三十里山勢平

坦澗五百餘步土人環居之  
舊傳栢樹盈林尖山  
巔撐雲蔽日因名山出泉水  
民資以灌溉

在完縣西北八十里  
蒲陽山在完縣西北漢書地  
理志曲逆縣蒲陽山  
峯巔高聳其尖如林

蒲水所出元和郡縣志在北平縣西北四十里  
舊志白崖山在完縣西北四十里峯巒秀拔四面多

白石故名蓋即古蒲山  
在完縣北  
大雄山在雄  
陽山以聲近而訛也  
十二里  
縣西

南二里又小雄山在縣東南一里許舊志大小雄  
山皆培塿耳宋景德中積土城隅以禦遼自後構

亭其上更加脩築  
漫谷嶺在滿城縣西二十里又  
遂有雄山之名  
元和郡縣志有五迴嶺

在縣西北五十里高四  
唐梅嶺在唐縣西北三十  
十里許今詳見易州  
里嶺路石砌崎嶇

上下長五里許  
一名漫石道

### 十八盤嶺

在唐縣西北六十里為雲中要路高峻插天不

能直上盤旋曲折而過因名又有拌手岸在縣西北七十五里長數里兩山壁立路甚狹險中有曠

洞

### 五斗嶺

在唐縣西北一百十里

### 黃崗嶺

在唐縣北六里有山西南嶺後多黃

土溝雨過難行又

### 齊雲巖

在唐縣北又鷓子巖亦在縣北百二十里唐河

北四里為城子嶺

### 東安頭嶺

在完縣北三十五里

### 摩天嶺

在完縣北二十里又有一箭嶺在縣北四

### 十金沙嶺

在高陽縣東二十五里自汜頭村跨舊城歷樓堤以八任邱隱約蜿蜒若見若

伏嶺斷處

### 郎峯

在安肅縣西八十里易州界

### 興隆岡

在博野縣西中心高

沙如金色

登洪水不能沒又有沙岡在縣西南蠡村綿亘數里

### 東鹿巖

在東鹿縣北三十里外臨內廣

可容千人俗名三邱  
古洞今僅存土邱  
**黃邱** 在東鹿縣南魏書地形志鄴縣有黃邱舊志又

有青邱牛邱馳邱靈邱  
邱與黃邱共為五邱  
**龍王峪** 在滿城縣西北十五里有石洞及泉井

**百花嶼** 在府城南雙溪上高數仞廣數十丈百花繁富舟楫迴環  
**神仙洞** 在安肅縣

西洞有石床行百步許益高  
敞儼如臺上有石龍下垂  
**清苑河** 在清苑縣南源出滿城縣

一畝雞距二泉東西流繞府城南又東與方順河合即古盧水也亦名沈水漢書地理志北平縣有

盧水至高陽入河水經注沈水出蒲城西地理志曰北平縣有沈水即是水也東逕其地又東南左

入徐水地理志曰東至高陽入河今不能也太平寨宇記沈水在清苑縣北又清苑縣因滿城縣清

苑河為名宋史河渠志緣邊塘濬起安肅廣信軍之南至保州西北蓄沈苑河為塘橫廣三十里縱

十里曰沈苑泊自保州西合雞距泉尚泉為稻田  
方田橫廣十里曰西塘泊明統志清苑河在府西  
二里自雞距泉至此分流遠城南北至東合流入  
黃狗窠元張桑作新渠鑿西城以入水水循市東  
行轉北別為東流垂及東城又折而西雙流交貫  
由北水門而出夏秋之交芡荷如繡水禽上下游  
人共樂馬舊志今有奇村河在滿城縣東十五里  
發源村西北四里許泉水湧出其澗一畝名一畝  
泉一名尚泉昔號西塘泊其西南二里許又有泉  
噴出狀如雞距名雞距泉一畝雞距二泉合流逕  
奇村河東流至府城分流遠城為濠有西關東上  
關東下關啓閉蓄洩天津賈舶直抵南城下又東  
合石方順河自完縣發源曰祁水東南流逕滿城  
橋河縣界為方順河又東至清苑縣南為  
石橋河與清苑河合即古濡水也漢書地理志有  
曲逆縣注張晏曰濡水於城北曲而西流故曰曲逆

水經注濡水出蒲陰縣西昌安郭南其水自源東  
逕其縣故城南枉注迴湍率多曲復亦謂之為曲  
逆水也又東與蘇水合又東得蒲水口又東北經  
樂城南又東入博水元和郡縣志濡水在北平縣  
西五里舊志源出伊祁山俗名祁水曲折東流逕  
縣南又東至滿城縣境曰方順河土人云本名曲  
逆河以其名不美故改曲為方改逆為順流經縣  
南五十里又東逕清苑縣南二十里曰石橋河至  
縣東南御城西隅與一畝泉合亦名梁河又折東  
北至安州界會徐河為依城河按輿圖今方順  
河上流有二一在完縣之北流逕縣東一在完縣  
之西流逕縣南至縣東南會為一在北者蓋即古  
之蒲水在西者有五雲石白二泉合流而東當即  
古濡水之源石白泉即古蘇水也詳見下又按古  
濡水有二方順河為南濡其北濡即北濡在今易  
州界下流為定興縣之沙河明統志混而為一誤

界河

源出望都縣東流入清苑縣南又東北入安州界即古博水也漢書地理志望都縣博水

東至高陽入河水經注博水出望都縣東南流迨其縣故城南潛入地下又東南重源湧發東南迨三梁亭南又東南迨殺陽亭南又東迨陽城縣散為澤渚謂之陽城澱又伏流循清涼亭西北重源又發又東經自隄亭南又東經廣望縣故城北又東合媪溝又東北濡水注之自下博水亦兼濡水通稱又東北徐水注之又東入滹蘆志今有灞龍河源出望都縣南五里曰灞龍泉東北流七里與清水龍泉河合又東入清苑縣界曰界河流迨縣南七十里至安州界與方順河合疑即古博水也又有清涼河在清涼城北啞吧溝在府西南三十餘里黃龍溝在府西南皆流入界河

河

在滿城縣西北十五里發源易州嶺流迨縣西北伏流於地幾三十里至一畝泉湧出

徐

渝

河

源出易州五迴嶺東南流逕滿城縣北又東逕清苑縣北又東入安州界合清苑石橋二河漢

書地理志北平縣徐水東至高陽入博水經注徐水出廣昌嶺東逕卽山又經北平縣又東南流歷石門中俗謂之龍門其山上合下開開處高六丈飛水歷其間南出垂崖傾瀾泄注七丈有餘濟盪之音實為壯猛觸石成井水深不測東南出山逕其城中其水又東流漢光武退銅馬五幡於北平縣之順水北順水蓋徐水之別名也又東逕蒲城北又東逕清苑城又東南與沈水合又東左會曹水又東南逕祭過城又東流入博水宋史河渠志太平興國六年八月使郝守濬於清苑界開徐河雞距河五十里入白河自是關南之漕悉通濟馬景德元年北面都鈐轄閻承翰引保州趙彬堰徐河水入雞距泉以息挽舟之役范成大北使錄徐河在清苑北十里金人謂之饋糧河舊志徐河源

發易州五迴嶺東南流迺滿城一十里名大冊河亦曰要莊河至清光縣北十五里為徐河又迺安

肅縣南四十里折而東曹河在安肅縣南三十里入安州境與依城河合東南至安州入徐水

水經注曹水出西北朔寧縣曹河澤東南流左右岐山之水又東南迺北新城縣故城南又東入於

徐水高陽記漕水出釜山南東流迺羊角淀北新城西有伏龍泉入馬安州志曹河自安肅之高橋

村至城西李家莊三十餘里每過水溢浸滂民田因築長堤二束水使東入依城河木朝乾隆九

年以曹河之入依城者停淤倒漾于減家灣挑濬減河五里並接築河堤二十八年復加疏濬于足

水益通利無電河即瀑河亦名鮑河自易州流入浸溢之患迺安肅縣北門外又東南迺容

城縣南二十里又東南迺安州北二十里又東迺新安縣西南與依城河合為長流河即古南易水



也漢書地理志北新城注桑欽言易水出西北東  
入滹水經注代之易水出廣昌縣東南即山東北  
俗謂之為寬河自故安東屈經長城西又東南過  
武遂縣南新城縣北俗又謂水為武遂津津北對  
長城門易水東分為梁門陂又東梁門陂水注之  
陂水北接范陽陂自下易水有范水通目又東逕  
范陽縣故城南又逕樊輿縣故城北又東逕容城  
縣故城南又東渥水注之又逕渾渥城南東合滹  
水自下滹易互受通稱又東逕易京南又東逕易  
縣故城南又東逕鄆縣之故城北又東至文安縣  
與滹沱河合窠宇記南易水又名為寬水歷遂城  
縣界又東流過容城縣之南入高陽縣界與滹水  
相合宋史河渠志咸平五年順安軍都監馬濟請  
自靜戎軍東擁鮑河開渠又自順安軍之西引入  
威虜軍置水陸營田於渠之側以達糧漕隔遼騎  
帝許之舊志虢河自易州之西南發源東南流歷

安肅容城安州界至新安縣之西南五里為長流河一名為長溝河至縣南三里又曰梁頭河自此匯諸水入雄縣界穿入蓮花淀會于高陽河至縣西即與白溝合抵瓦濟門之外為瓦濟河今故道變易自淀東過易陽橋至雄縣之東南二十五里合玉帶河又至縣東南三十五里與清河合曰三汊河又東入保定縣界通志雹河由新安縣之黑龍口歸雜淀新安縣三面皆水唯城北為乾土而地處容城之下流雨潦南下則大激淀一帶盡為隣壑 本朝雍正三年怡賢親王於三台村引雹河經小王營尚村之北至南河頭入于燒車淀之南岸築隄建閘以時節宣隄內大激淀數百頃遂成腴田乾隆二十八年總督方觀承奏請疏濬凡河之紆曲沙漲處悉經裁削又于安肅姜女廟支河口築滾水石壩一乾隆三十年以瀑河修濬寬展其所經由安肅容城新安三縣舊有木石橋十

三座隨河之巨馬河即涑水也自易州涑水縣入南勢改造寬長巨馬河南定興縣西至注縣南為

白溝河又東南逕容城縣東北又東逕新城縣南

又東南逕雄縣西又東入保定縣界漢書地理志

廣昌縣涑水東南至容城入河水經注涑水逕迺縣謂之巨馬河東南逕范陽縣故城北易水注之

又東鄭亭溝水注之又東逕益昌縣寰宇記巨馬河

在雄州北三十里從易州流入下至霸州許元宗

奉使行程錄白溝河濶止十數丈深可二丈宋與

遼以此為界過河三十里到新城縣舊志巨馬河

在定興縣西一里自涑水縣流入至縣南河陽渡

與易水合自下通名白溝河以宋遼分界於此亦

名界河俗又名曰北河東南流至白溝店南其地

此去新城縣三十里西南去容城縣二十八里東

南抵雄縣三十里舊自白溝店北東流明永樂末

徒於店南故道遂淤又東南流由永通橋環雄縣城西南而東出瓦濟橋又東八里許為柴禾淀始與九河合流入茅兒灣其一支由容城縣分流至雄縣西三里名黃河灣又逕新安流入四角河按水經注督亢溝亦承涑水東南至涿縣謂之白溝又南入巨馬河白溝乃巨馬支津下流在今涿州界自宋以來始總號巨馬為白溝又按水經注元和郡縣志太平寰宇記諸書皆作巨馬後人加手傍作拒馬相傳劉馬村河自涑水縣流入逕定現拒石勒於此得名興縣新城縣西入巨馬河即古督亢溝也水經注督亢溝水自迺縣東逕涿縣鄜亭樓桑里南又東逕督亢澤澤苞方城縣其水自澤枝分東北注於桃水督亢水又南謂之白溝水南逕廣陽亭西合南枝溝又南入巨馬河舊志馬村河在新城縣西北四十里起涑水縣東福子河流入定興縣東北界新誥村逶迤東逕

新城縣界馬村因名馬村  
斗門河 源出新城縣西  
北二十里李家  
可又南數里入白溝河

營即宋何承矩闢斗門興水利處南流逕定興  
縣東為界河下流又為西溝河南入白溝河

### 紫泉河

在新城縣西源出縣西北十五里龍堂  
村有泉數派合而為一舊南流繞縣城

入高橋窟今改入琉璃河相傳元泰定中水色  
一夕忽紫故名明胡廣過新城詩南接雄州北  
涿州紫泉出郭向西流即此其地建有 行

官

皇上時巡駐此皆有 琉璃河 在新城縣東自涿州  
御製紫泉行宮十景詩 流入舊志明初有南

里河在縣東北二十里琉璃河支流也由縣東  
南逕雄縣舊址小溝嘉靖三十二年其溝自底  
天湧裂土成河與運河相通今琉璃河逕流自  
涿州南至白溝店入白溝河蓋自嘉靖後又改

流故渾河

在新城縣三十里舊自順天府固安縣分支流入經雄縣東北界入霸州

自明以來遷徙無定本朝順治十年水大漲

由固安之故城村南決泛濫縣之東北下入雄

縣康熙十一年復歸固安三十七唐河即澆水

年永定河功成始不復入縣境也源出

山西大同府靈邱縣由倒馬關流入逕完縣西

北唐縣西南界長二百里又東南過定州入望

都縣南界又逕祁州南會沙滋二水又東北逕

博野蠡二縣南又東北逕高陽東又北逕安州

城東入白洋澆水經注澆水自廣昌縣又東逕

倒馬關南流與大嶺水合又屈而東合兩嶺溪

水又東左右懸水又東流山左納鴻上水又東

逕左人城南唐水注之又東左會電水又東恒

水從西來注之又東右芑馬溺水又東逕中人

亭南又東逕京邱北又東逕白土北又東逕樂

羊城北又東經唐縣故城南又有唐水注之自  
上廬下通得唐川之兼稱焉又逕廬奴  
城廬水注之又東逕漢哀王陵又東右會  
長星溝胡泉水逕安喜縣南鄉城北又東歷  
安國縣東分為二水一水支分東南流逕解瀆亭  
南又東南逕任邱城南又東南逕安郭亭南又東  
南流入於滹沱澹水又東北逕解瀆亭北又東北  
逕蠡吾縣故城南又逕博陵縣故城南又東北逕  
侯世縣故城南又逕博陵縣故城南又東左會博  
水又東北逕休城北世謂之休城河又東北逕阿  
陵縣故城東又東北至長城注於易水元和郡縣  
志澹水一名唐水西去唐縣一百五十步又在望  
都縣西南四十二里宋史河源志景德元年北面  
都鈴轄關承翰自嘉山東引唐河至定州灤而為  
渠直蒲陰東六十二里會沙河逕遼吳泊入界河  
以連方舟之漕舊志唐河自倒馬關口流入逕完

縣西北七十里入唐縣界舊迎縣西南二十里折而東迎縣南十里其後自下素決而南趨自符城以東潰為沙川十餘里歷定州北又東南迎祁州南十五里至州東南三岔口與沙滋二河合入博野縣界名塘河自此折而東北迎縣東南二十里入蠡縣界又名楊村河舊入河間府境明正德十二年北決迎縣東入高陽縣界為馬家河迎縣東三里又東北入安州界為邱家道口河至州東南三十里匯於白洋淀其下流迎確縣西豬龍河在陽縣東二十五里由三岔河口會唐沙滋三河之水迎安平博野蠡縣界入縣境又東歷安州界歸白洋淀春冬時寒衣可涉至夏秋汎漲最難捍禦本朝乾隆二十七年加築挑水壩復於河之淤曲處裁直通流遂免弁溢之患按舊志豬龍河在高陽舊城東三里相傳古有蛟龍化而成河舊



南納高河後高河埭塞獨此為水壑潦所歸北受  
白洋之逆流可二十餘里明萬曆中嘗塞車道口  
以捍之後馬家河東決遂開車道口以出南水復  
為水門以時啓閉新志云豬龍河在新安縣南六  
十里即高陽之馬家河流入雄縣為高陽河蓋舊  
時豬龍河在馬家河之東今自蠡縣楊村河下流  
竟由豬龍河趨淀馬家河故道又淤矣又據水經  
注澆水自陵陽亭又北會博水至依城謂之依城  
河蓋澆水故道本由今清苑東南與濡博諸水合  
流注易後徙而東不入縣境明統志有土尾河在  
府東南九十里源自蠡縣經縣境  
至安州合易水當即唐河支流也  
**清水河** 在望都縣南源  
出縣西南一里曰清泉東北流入隍  
經南門又東流三里與灞龍河合  
**龍泉河** 一名九龍  
泉在望都縣北源出縣北三里平地湧出迂迴南  
下直抵隍中與清水河合亦名玉帶河  
按今龍

泉河由望都入清苑縣陽城村境至太平橋歷劉家庄入安州界計長一百十五里清苑縣西境之大庄新開引河十二里餘所以分龍泉河之水也乾隆三十年重加修濬又永豐河在縣東南永豐鎮東半里許延袤十餘里

小陳河

在蠡縣西北十二里源出望都

由王家營達龍泉河今改

縣界流經縣北又東入高陽界與楊村河合

玉帶河

在雄縣東南二十五里自任邱縣鄭

州流入東至茅兒灣入順天府保定縣境與王各莊引河合下流為會同河又按王各莊引河在張青口一名月河自茅兒灣分支東入十望河乾隆十年開濬長八里十望河在玉帶河之北即玉帶分流西接張青口東入中亭河乾隆二十九年亦經疏濬通流無阻又十望河在玉帶河之北由雄縣西北東入順天保定縣境蓋亦玉帶之分流也乾隆二十九年挑濬又張青口月河源出清河由

雄縣之茅兒灣東流，濰流河入焉。又東入保定縣十望河。乾隆十年，挑濬長八里。雄河在

縣南，易水分流，圍繞縣城。經瓦濟門東，下亦曰瓦濟河。又開河在縣南五里，相傳為宋楊延昭運糧

河。沙河在祁州西南，自定州流入，合於唐河。即古

十五里州志：沙河在州西二十五里北，去唐河十

十里。通志：其水來自山西，流經新樂、定州至祁州

東南三岔口，與滹滋、滋河在祁州西南三十里北

二水匯歸豬龍河。去沙河五里，亦自山西

發源，流逕正定府界，自深澤縣東北流入，至三岔

口與沙河合。又北會唐河，歸豬龍河。計長三十五

里，亦名資河。宋史：太平興國八年，祁之資水溢為患，即此。依城河在安州北，自

又東入新安界，即古瀉滹諸水下流也。舊志：按左

縣東北至鄆縣入易水經注澹水自博陵陵陽亭  
又北會博水博水自合濡水又合徐水又東北入  
澹澹水又東北逕依城北世謂之依城河據杜氏  
則依城河為濡水據鄭氏則依城河為澹水自宋  
興塘灤水道變遷澹水自蠡東入河間不復北行  
而依城河止上承濡水與杜氏之說適符近者土  
俗稱州為濡上是也 本朝乾隆九年總督高斌  
奏請開濬又於善馬廟寨頭村同口村各建閘一  
二十八年復經疏濬濬歷州境四十二里 按今徐  
曹一畝方順諸水至州西會流為依城河經州北  
至新安縣西南會電水為長流河明統志謂徐曹  
二河相合曰溫義泉在新安縣南八里南與長河  
合蓋依城河入新安界又名溫義合電水經名長  
流明統志專指徐曹二水為溫義又以安州北之  
依城為易水皆誤又舊志云安州為九河下流九  
河者自北而南曰電曰徐曰曹曰平曰一畝泉曰

方順河曰唐曰沙曰滋張寅曰平水無考疑即古  
之博水今考徐曹一畝方順界河五水會於州西  
至新安界始合電水唐沙滋三水會於祁州由博  
野高陽入豬龍河而經州東界河即古之博水初  
無平水高河在高陽縣東二十五里亦曰泚河漉  
之名也水支流也舊自蠡縣東北經高陽故  
城南旁入豬龍河又東北入白洋淀明洪武中河  
決舊城圯遂遷今改而高河淤今縣東南三十里  
有羅漢淀東二十里有梁淀皆高河所豬縣西  
南六里舊有運河相傳為宋時轉漕處今亦堙

### 三分河

在新安縣南六里上接溫義下連四股南  
通豬龍故名又四股河在縣東南十五里

元至正中所鑿流分四  
股皆溫義河支流也

### 滹沱河

在東鹿縣南四十  
里自正定府晉州

流入又東入深州界滹沱舊由縣北界其後漸徙  
而南明正德十四年由晉州涅葉口決入東鹿縣

境天啟二年再決因徙縣治以避之 本朝順治十二年自晉州寨子村決入由縣東南百尺口入冀州界清水河康熙五年又由寨子口決入分為五道皆經縣南入冀深二州界雍正三年又東徙決周頭村直衝東鹿城瀾漫四野四

年  
世宗憲皇帝命怡賢親王親行相度得舊河一道由禾

邱南至焦岡入盜河遂自第四溝間審深通導之南流於周頭築壩障其東下自是縣境無衝潰之虞按漢書注潯沱水經深澤縣東南元和志在鹿城縣西北四十里太平寰宇記在高陽縣城東北十四里蓋昔時潯沱去今未鹿縣治七十餘里由深入澤安平饒陽其分流曰鴉兒河自晉州流入東鹿舊治又東北至博野合唐河今益徙而南故道皆淤今潯沱河由東鹿西境之曹家庄村至趙兩村出境入一畝泉河在保定府城西三十里發源滿城寧晉泊滙歸潯陽河縣賢台社泉自地中湧出方廣一

故故名東合雞距泉逕城濠南東入澆水逕易水  
安州雄縣達於海一名尚泉俗號西塘泊

在定興縣西南自易州流入與巨馬河合即中易  
也漢書地理志固安縣易水東至范陽入濡水經

注易水自固安東經范陽故城南又東與濡水合  
縣志易水初不甚宏自合諸澗勢漸澎湃故又名

百澗水自落堡入縣境至河  
陽波與涑水合味甘冽宜釀  
濡水  
在定興縣西自

水合今名沙河即北易也漢書地理志濡水至范  
陽入涑水經注濡水自固安又東南於容城縣西

北大利亭東南合易水而注巨馬河宋雍熙三年  
曹彬等敗趙易州瀕沙河而飯即此縣志沙河有

四源一出易水西北白楊嶺一出州北梁村合流  
入縣界與三水合流而東名曰沙河又東南與易

水合又東  
鴻上水  
在唐縣西北徐廣曰鴻上水源  
入巨馬河  
出葛洪山水經注鴻上水出唐

縣西北近溪東

馬溺水

在唐縣西水經注馬溺水出上曲陽城東北東北流

經伏亭又東

唐池水

在唐縣西南水經注唐縣城西有一水導源盧奴縣之西

北泉湧而出俗亦謂之為唐水東流至唐城西北隅竭而為湖俗謂之唐池蓮花被水勝遊多萃其上其水南入小

溝下注滄水

五靈水

在完縣西二十里源出大崑山一名五雲泉發源處

五竅如龍流至縣

流九水

在完縣西二十里平地九泉淺而不竭又有店

頭水在縣西三十里曲律峪

蘇水

在完縣西南漢書地理志曲逆

有蘇水東入濡水經注蘇水出蒲陰縣西南近山東北流逕堯始亭南又東逕其縣入濡舊志今有

放水河源出唐縣東北馬耳山石臼泉東流入完縣界會五雲泉至縣東南會為方順河疑即古蘇



水益亦方順  
河之南源也  
蒲水  
在完縣北漢書地理志蒲陽山蒲水所出東入濡後漢書郡國

志蒲陽山蒲水出也水經注蒲水出西北蒲陽山西南流積水成淵東西一百步南北百餘步深而不測其水又東南逕安陽亭東俗名斯川為安陽

壙又東南逕安陽關下出關北濟又東南逕夏屋故城又東南流逕蒲陰縣故城北右合魚水又東入濡水志蒲水發源完縣西北三十里道務村流

逕縣北又東南至故曲逆城東南與魚水  
曲逆水合今縣北有蒲上村蒲上社  
魚水  
在滿縣西南

水經注魚水出北平縣西南魚  
古衡漳水  
在東鹿縣南舊

山水發其下東流注於蒲水  
自冀州流入又東北流入深州界今改流而南不

逕縣界水經注衡水自昌城縣又逕西梁縣故城

東又東北逕桃縣故城北合斯汶故瀆又北為棗  
譚渡蓋譚自鄴往還所由故得厥名又北逕鄆縣

故城東又右逕下博縣故城西元和郡縣志衡漳水在鹿城縣南十里太平寰宇記在縣南九十里

亦名苦水西南自

**古斯浚水**

在東鹿縣西南自晉州流入今埋漢書地

寧晉縣界流入

理志綿曼縣斯浚水首受大白渠東至鄆入河水

經注白渠逕敬武縣又東謂之斯浚水東分為二

水枝津右出焉東南流謂之百尺溝東注衡水斯

浚水自枝津東逕貫城北又東積而為陂謂之陽

廣淵左納白渠枝水又東逕西梁城南**廣利渠**在

又東北經樂信縣故城南又東入衡水**廣利渠**在

縣西南源出山西靈邱縣下逕浞泊金太和六年

縣令劉弁開渠風山下引唐河水灌田數千畝又

導而東以灌隣邑其後河流南決渠廢明萬曆二

十七年知縣楊一桂復濬之其水本東南流挽之

使東北注建九閘以時蓄洩稍前至甕水村有容

水溝橫界其前視渠身下三尺許乃架木為槽以

過水號曰騰橋使溝穿橋下渠行橋上凡濬渠七十  
里歷村落三十八分析開渠二十五由是安行  
抵滿城方順橋合九河溉田無算後漸淤塞本  
朝乾隆十年

命總督高武重加疏濬引唐河之水入渠並建涵洞二  
十七座以資灌溉二十六年四十六年

皇上巡幸五臺  
鑿輿過此有

御製詩 范陽陂 在定興縣南水經注范陽陂在范陽城  
西十里方一十五里俗亦謂之鹽臺陂

陂水南通梁門淀注易水亦謂之范水舊志縣西  
南五十里閻臺之西有狼兒淀地形窪下即山之  
水豬馬下流為曲水河至安肅縣西入雹水益即  
故鹽臺陂閻臺乃鹽臺之訛也又有雞爪河亦在  
閻臺平地湧出三五不一分流形如雞爪繚閻臺  
經安肅入雹河益即陂水之南通梁門為范水者

### 海子淀

在新城縣西南三十五里受紫泉斗門西窪之水大雨後諸水灌注於此舊有小溝

疏流東注淺狹易淤又有黑洋淀在陽城淀在望都縣東五十里里渾河所淤可以耕種

東南水經注博水經陽城縣散為澤渚渚水潞漲方數里匪直蒲筍是豐實亦徧饒菱藕世謂之陽

城淀陽城縣故城近在西北故陂得名馬元和郡縣志陽城淀在望都縣東南七里周迴三十里

### 劉家淀

在安州西二十里源出清苑縣石橋一畝泉二河流入州境沮而為淀北流入於易

水又菱子淀在州東南二十里大滂淀在高陽縣東唐滋沙三河分流入白洋淀東舊馬家

河所蓄又馬棚淀在縣東北白洋淀延福淀在高陽縣收地也周圍收地也周圍二十里

西南十里楊村河所蓄也東口決白洋淀在新安縣南二則由圓頭而下西口決則衝橫堤

十里周六十餘里南高陽西安州東任邱北新安  
東北雄縣五州縣環之而新安十數村居其中古  
九十九淀之一也相傳明弘治以前其地可耕而  
食中央為牧馬場自正德間楊村河決入始成澤  
國今合相近諸淀之水總名曰西淀通志西北諸  
山之水皆匯於西淀北自雄縣來者曰白溝河西  
自安州來者曰依城河西北自安肅來者曰瀑河  
南自高陽來者曰緒龍河而趙北口居其中建設  
橋座諸水由此東流實西淀之咽喉也乾隆十八  
年

皇上御舟經此有大澱淀  
御製白洋淀詩  
在新安縣西北即古大渥淀  
也一名泥淀水經注渥水上

承二陂於容城縣東南謂之大渥淀小渥淀水南  
流注易水謂之渥同口太平寰宇記大泥淀小泥  
淀並在容城縣南三十里通志大澱淀在新安縣  
西北五里周四十里即大渥淀  
本朝雍正四年

疏渠洩水營田數千頃為膏腴之地乾隆二十七年復經開濬又有殷家淀在縣東北三里長流河水所瀦即雜淀在新安縣西五里周三十里電水小渥淀也蘆草灣水所瀦又縣南有杜定淀周圓十餘里縣東有鴨圈淀長淀河所瀦楊家淀在鴨圈淀南王家淀在縣東皆與白洋淀相通

燒車淀

在新安縣東北十里連雄縣界南北二十餘里與白洋淀接相近有留通淀在雄縣

西十洛汪淀

在新安縣南十八里明成祖過此命軍士築臺名曰樂駕蓮花淀

在雄縣西南十里方三十里新安高陽諸水所匯也宋史河渠志沿邊塘滌東南起保定軍西北抵雄州合百水淀黑羊淀小蓮花淀為一水衡廣六十里縱二十五里或十里又東起雄州西至順安軍合大蓮淀洛陽淀牛橫淀康池淀崎淀白洋淀為一水衡廣七十里縱三十里或四十里

柴

禾淀

在雄縣東南十餘里長三十里白溝河諸水皆匯於此淀北所有一潭河舊口東南岸有玉

帶河口折而東北為茅兒灣

五官淀

在雄縣東南七十里桑禾

清河之水由水東超保定

淀南方三十里與任邱

蒼耳淀

在雄縣東十五里又馬務淀在縣東

縣接界玉帶河所匯也

三十里皆

邊吳泊

在安州西南亦曰邊吳淀今埏宋史河渠志緣邊塘滌東起順

安軍邊吳淀至保州合齊女淀澇淀為一水衡廣

三十里縱百五十里舊志今有南北二邊吳村及

邊吳塔皆柳灣在安肅縣界北十里即宋邊分界

在州西南處今俗呼蘆草灣值夏霖雨水湧

奔激成渠茅兒灣在雄縣東四十里上接柴禾淀下通

保定縣玉帶河為諸水經流要口又

東三里許為張青蘭溝在定興縣東南四十里相

口接保定縣界傳說陽有五溝青白藍紅

黃白溝已為河  
此即藍溝也

龍潭溝

在唐縣西北葛洪山北一  
名龍門湖兩山壁立萬仞

水出其中長九里橫三里有瀑布  
泉五注盤石下沫如輪聲如雷

古溝

在容城縣北門外其

西有村名曰溝西白河水溢經村西直  
板城下由溝北淺東入新安白洋淀

木刀溝

在

州南自無極縣流入郡縣元和志長林溝今名  
木刀溝在義豐縣南三十二里

按此水今埋大

陸澤

在東鹿縣南元和郡志在鹿城  
縣南十里詳見深州及順德府

橋窪

在新城縣南二

十里受紫泉斗門二水又東南三十五里有  
高橋河即白溝支流河源壅塞故道猶存

柳灘

在安州東南三十里白洋淀  
西堤與浦口趙口陶口相連

鹽石淵

在祁州界魏  
書地形志安

國縣有  
鹽石淵 龍潭

有二一在高陽縣東南  
四十里一在縣南二里

雞爪泉

即雞  
距泉



狀如雞距故名在定興縣西界東支發源於陳村  
至中支匯流長五里許中支發源于李家莊三岔  
口長十里許南支發源於馬家莊至三岔口匯流  
長六里許諸泉皆會安肅界南歸濕河乾隆十一  
年興修水利特濬此泉  
**湧魚泉** 在望都縣西南三  
里北流經通濟橋

附近田畝皆資灌溉  
東轉又北至南關左而兩分一東匯瀨龍河一北  
抵隍中又沈家泉在縣西南二里東北流匯清泉

入隍又曲家泉在  
**西隄泉** 有二皆在望都縣西北  
縣西半東流入隍 二里合流東入龍泉河

又北有堅功泉  
**黃黑泉** 在望都縣北里許龍泉河  
亦東匯龍泉河 內二泉相去僅丈餘其色

分明不溷舊志縣境凡九泉  
**靈井** 在唐縣西北太  
滙為城濠又東注為龍泉河 平震宇記卽蔚

之隋圖經云唐縣中山城西北隅有一大井俗名  
趙母井昔云醇耐千日卽是此井所醞後以石蓋

之人不

敢開 善利井

在唐縣西一  
名天王井

傾井

明統志在東鹿  
縣西南四十里

漢光武師過其地渴甚  
此井忽傾歌泉水湧出

欽定大清一統志卷十

欽定四庫全書

欽定大清一統志卷十一

保定府二

古蹟樊輿故城

在清苑縣東南漢元朔五年封中山靖王子脩為侯國屬涿郡後漢省後

魏太和中復置改曰扶輿屬高陽郡北齊省入永寧郡道元水經注甕水經樊輿縣故城北地理風

俗記曰北新城縣東二十里有樊輿亭故縣也太平寰宇記樊輿廢城在今縣東南三十五里一名

隅城舊志今謂之御城按水經注樊輿城在北新城東容城西應在今清苑東北安肅縣東界與

太平寰宇記不合又魏書地形志晉復置樊輿屬高陽國後罷今晉志無此縣蓋夫載耳後魏既改

扶輿而隋志仍曰樊輿疑  
後魏時又嘗復故名也

廣望故城

在清苑縣西  
南漢元朔二

年封中山靖王子忠為侯國屬涿郡後漢省水經  
注博水東經廣望故城北太平寰宇記故城在縣  
西南五十里舊志有王芥城在縣  
東南四十里疑即廣望之訛也  
樂鄉故城 在清

東南漢書木紀帝十年過趙問樂毅後得其孫叔  
封之樂鄉號曰華成君水經注瀉水東經樂城南  
即此後魏始置樂鄉縣屬高陽郡北齊省入永寧  
太平寰宇記故城在今縣東南三十里 按魏書

地形志樂鄉縣注云前漢屬信都郡後漢罷晉復  
置漢時信都為今冀州與今縣相距三百餘里其  
界不能至此又考水經注信都之樂鄉縣在下博  
縣東不云樂叔所封其地在今深州界蓋漢時信  
都之縣與樂叔之邑本為二地樂叔雖有封邑未  
嘗置縣也魏志不考混二地為一舊唐志太平寰

宇記皆仍其說誤

### 清苑故城

在今清苑縣治東北七里魏書地形志高陽郡領清苑縣

太和元年分新城置隋書地理志河間郡清苑縣舊曰樂鄉後齊省樊輿北新城清苑樂鄉入永寧

改名馬開皇十八年改為清苑太平寰宇記縣本

樂鄉高齊天保七年自滿城界移永寧縣理此隋

改清苑因縣界清苑縣為名舊志有清苑故城在

今縣東北七里按隋志本謂北齊改清寧為樂

鄉太平寰宇記則已改樂

### 北平故城

在滿城縣北李吉甫元和

郡縣志滿城縣東北至易州一百四里本漢北平

縣屬中山國高祖以張蒼為平北侯後漢世祖追

銅馬賊于北平城乃大破之即此後於此置永樂

縣天寶元年改為滿城以縣北故滿城為名五代

史晉開運二年杜重威引兵攻遼泰州破滿地太

平寰宇記是年以滿城路當衝要移泰州理滿城

州尋廢宋史地理志太平興國六年析易州滿城之南境入保塞縣金史地理志滿城縣大定二十

八年以清苑縣塔院村置舊志元太祖十四年張柔取滿城開府於此二十二年以滿城地隘遷治

清苑明初移今治漢故城在縣西二里眺山下永明初廢為柴炭厰又有古滿城在縣東北十里

樂故城在滿城縣西北魚條山下後魏興和二年置屬樂良郡北齊屬昌黎郡後周移治北

平故縣而北新城故城在安肅縣西南二十里漢北城廢置關駟曰河間有新城故

此加北後魏去北字北齊遂城故城在安肅縣西仍曰北新城尋省入清苑戰國時燕之

武遂也史記趙悼襄王二年李牧攻燕拔武遂方城魏書地形志南營州永熙二年置寄置英雄城

領郡五昌黎遼東建德營邱樂良縣十一龍城廣興定荒太平新昌石城廣都富平永安帶方永樂

隋書地理志後齊唯留昌黎一郡領永樂新昌二縣餘並廢開皇元年州移三年郡廢十八年改為遂城元和郡縣志縣北至易州七十里隋開皇三年移後魏新昌縣於此十六年改遂城按縣城即戰國時武遂地也後魏孝武以韓瓚為營州刺史行達北城值盧曹構逆就置南營州以瓚為刺史所部三千餘人並雄武冠時因號英雄城太平寰宇記遂城縣令理釜山村舊志廢縣在今縣西二十五里今范陽故城在定興縣南史記張耳陳餘為遂城社署地燕趙崩通說范陽今先下漢書地理志范陽縣注應劭曰在范水之陽隋書地理志上谷郡迺縣舊范陽居此俗號小范陽開皇初改為迺元和志范故城在易縣之東南六十二里太平寰宇記范陽故城後魏孝昌二年為杜洛陽所破高齊武平七年移治故城北十七里伏圖城謂之小范陽西北去州四十五里隋初自

伏圖城移范陽之名於涿水縣又於伏圖城別置  
通縣屬昌黎郡大業十年又移通縣於圖伏城西  
南即今州東南三十四里故通城是十三年臨八  
寇二城俱廢舊志今為故城鎮謫為固城在縣南  
四十里明洪武八年置巡司今廢

新昌故城

在新城縣東三十里  
漢置屬涿郡宣帝本

始年間封燕刺王子慶為侯國後漢廢唐復置屬  
涿州宋初因之後省太平寰宇記漢新昌故城在  
固安縣南三十里其地

新城故城

在今新城縣治  
北唐書地理志

下濕俗亦謂之隘城

涿州新城縣太和六年以故督亢地置太平寰宇  
記在州南六十里後唐天成四年析范陽縣置宋  
王曾上遼事自雄州白溝驛波河四十里至新城  
又七十里至涿州舊志故城在縣北近督亢亭後  
遷今治按太平寰宇記與唐志  
不同蓋唐末嘗廢後唐復置也

唐縣故城

在今唐縣



東北漢縣木堯所封國春秋時北燕之邑也春秋  
昭公十二年齊高偃帥師納北燕伯于陽左傳齊  
納北燕伯於唐杜預注陽即唐燕別邑漢書地理  
志唐縣註應劭曰故堯國張晏曰堯為唐侯國於  
北闕駟十三州志唐縣故城在中山國北七十五  
里水經注唐縣南北二城俱在澧水之陽應劭曰  
縣西四十里得中人亭今於此城取中人鄉則四  
士也俗以為望都城撰隋書地理志唐縣後齊廢  
開皇十六年復舊唐書地理志唐縣舊治治左人城  
聖歷二年移於今所元和郡縣志縣東南至定州  
五十里舊志以舊唐志考之蓋自北齊廢縣後隋  
改置於左人城唐時復移治而漢時故城遂廢今  
有長古城在縣南八里即 **蠡吾故城** 在博野縣西  
唐縣也唐後又移今治 **蠡吾故城** 南漢置屬涿  
郡後漢永建五年更封河間王開子翼為侯國北  
齊廢入博野水經注涇水東北經蠡吾縣故城北

地理風俗記曰縣故饒陽之下鄉也後漢書注蘇  
吾故城在今博野縣西舊志今有蠡吾鄉分營縣  
西路村社其地蠡村有蠡吾故城後魏時為滹沱  
水所淹東南城角猶存按今之博野乃漢之蠡  
吾今之蠡縣乃漢之博陵後魏及唐宋以來之博  
野自北齊廢蠡吾之博野歷隋唐時蠡吾故地為  
博野之西境宋置永寧軍金改蠡州並以博野為  
倚郭元至元初省博野三十一年復置博野縣於  
今蠡縣界屬保定路其時蠡州與博野始分然博  
野之名猶在故地也明洪武元年遷於西南十八  
里為今治由是博野蠡縣名稱互易皆非故地明  
統志但據現在之名不考分合徙置之由所載沿  
革皆誤且彼此  
望都故城在今望都縣西北本戰  
混清今特訂正國時趙慶都邑按史記  
秦始皇七年將軍蒙驁攻龍孤慶都即此漢置望  
都縣張晏曰堯山在北堯母慶都山在南登堯山

見都山故以為名隋書地理志後齊併望都入北  
平開皇六年又置大業初又廢舊唐書地理志望  
武縣武德四年分安喜北平二縣置初治安險故  
城貞觀八年移於今治元和郡縣志縣西南至定  
州五十里舊志故城在今容城縣西北  
在今縣西北三十里  
容城故城漢置縣屬涿郡景  
帝時中三年封匈奴降王徐盧為侯國後漢省晉  
復置尋又廢後漢復置北齊省入范陽隋為通縣  
地唐初亦置通縣天寶初復漢故名元和郡縣志  
縣西北至易州八十八里五代周顯德六年移縣  
於雄州城中太平寰宇記廢城在雄州西北五十  
里是也遠又僞置容城縣於巨馬河北新城縣界  
仍屬易州在州東八十里自此容城之名南北並  
置金初省南容城入北容城明景泰二年復遷於  
巨馬河南北去舊縣十餘里舊志有古城在今縣  
北五十里城子村週迴七里即故縣也按容城

志謂隋移迺縣於容城舊志取此曰隋迺縣在定  
興不在容城雖新唐書志容城下有本迺二字為  
可疑考元和郡縣志容城縣高齊省入范陽開皇  
元年改屬迺縣所謂本迺者謂其本屬迺縣耳非  
即迺縣之治且為唐初未嘗名容城為迺唯神龍  
二年嘗改名迺其言雖似其實皆非舊唐志明言  
容城隋改為迺縣武德五年置北義州領迺縣又  
割固安歸義屬之太平寰宇記亦云武德四年置  
北義州仍改為迺縣以屬馬皆與新唐志同不得  
謂唐初未嘗名迺縣也今容城北距定興僅五十  
里舊志既云隋改范陽置迺縣在定興南四十里  
容城故城在今縣北十五里而謂隋之迺縣不在  
容城可乎元和郡縣志雖不言武德再置迺縣而  
以天寶元年改為容城直接隋改屬迺縣一語可  
知改屬屬字乃為字曲逆故城在完縣東南左傳  
之訛舊志誤解耳

曲逆故城  
在完縣東南左傳  
哀公四年齊國夏

代晉取逆時戰國時曰曲逆齊策魏處曰趙可取  
唐曲逆是也漢置縣屬中山國高帝七年擊韓王  
信於代南過曲逆上其城望室屋甚大曰壯哉縣  
吾行天下獨見雒陽與是耳於是更封陳平為曲  
逆侯水經注漢章帝章和二年行巡北岳以曲逆  
名不善因山水之名改曰蒲陰後魏改屬北平郡  
北齊廢蕭德言括地志蒲陰故城在北平縣東南  
十五里顏之推家訓曰曲逆如字或讀去過甚無  
謂也 按水經注章和二年當作元和二年 本  
朝乾隆二十六年

皇上巡幸五臺

鑿輿經此有

御製曲逆故

城詩

北平故城

在完縣東北漢北平縣在今滿  
城縣界後魏改置北平郡於此

魏書地形志北平郡孝昌中分中山置治北平城  
元和郡縣志北平縣西南至定州八十三里木秦

曲逆縣地後魏孝明帝於今縣東北二十里置北平郡割中山國之蒲陰望都北平三縣屬之高齊省北平郡及蒲陰縣以北平縣屬中山郡開皇三年屬定州萬歲通天二年遼攻圍七旬不下勅改為狗忠尋復舊名按魏書地形志北平郡領北平縣即漢之北平後周改名永樂今滿城縣是也其北平郡所治北平城乃隋唐定州之北平今完縣是也魏時郡縣異治相去本不甚遠故北平城在北平縣界中至北齊時廢郡因移縣就故郡而以魏時舊縣併入永樂至周乃移永樂之名於故北平縣故隋志永樂縣下又云舊曰北平周改名焉二縣之名雖同而漢縣在永樂此是蒲陰故地明統志於完縣下云漢置北平縣於博陵故城在滿城縣下反云漢北平縣地誤也

縣南漢置陸城縣武帝元朔二年封中山靖王子貞為侯國後漢廢入蠡吾本初元年桓帝以蠡吾

侯八立追尊父翼為孝崇皇陵曰博陵因改置博陵縣於此晉改博陸後魏改博野水經注博陵故城即古陸城漢封劉貞為侯國者也今謂之為博野太平寰宇記寧邊軍治博野縣以居博水之野為名舊志故城在今縣南十五里魏隋志移今治按晉改博陸縣本合博陵陸城為名九域志乃因霍光封博陸侯遂謂博野

### 易縣故城

在雄縣西北漢縣本

縣有霍光墓縣志因之皆誤燕故邑也世本燕桓侯徙臨易史記趙世家惠文王五年與燕鄭易括地志易縣故城在歸義縣東南十五里太平寰宇記歸義縣東南十五里有大易故城是燕桓侯之別都後魏移理故城西北十五里故易城即今縣理高齊天保七年省入鄴縣又有小易城在今易城北二里舊志故易城在今縣西北十五里

### 歸義故城

在雄縣西北唐武德五年以故易縣地置屬涿州五

代晉時隨州八達仍曰歸義金始併入歸信太平  
寰宇記縣在涿州南一百二十里舊志故城在雄

縣西北三十里  
十五里  
歸信故城今雄縣治五代晉時歸義縣  
八達周分故縣南界置雄州

及歸義縣於此太平寰宇記雄州本歸義縣之瓦  
子濟橋在涿州南當九河之末舊置瓦橋關晉建

軍城周顯德六年收復三關以其地控扼幽冀建  
為雄州仍移易州之容城并歸義二縣於城中舊

志宋太平興國初避諱改縣曰歸信明初縣始廢  
其城宋至道間知州何承矩築景德中李允則復

增築共九里有奇又築外羅城  
周十八里濬濠引水謂之雄河  
安國故城在祁州  
南漢初

高帝六年封王肅為安國侯又明帝追封后父毛嘉為安  
魏封王肅為安國侯又明帝追封后父毛嘉為安

國侯皆即此晉因之後魏太平真君七年併入深  
澤景明二年復置魏書地形志安國縣有安國城



又蒲陰縣有安國城章懷太子後漢書注安國故  
城在義豐縣東南舊志安國城在州東南六里即

漢安國縣按元和郡志安國城本在唐河南今  
此城在河北道里不合又舊志今州西南三十里

有村曰固城故蒲陰故城今祁州治太平寰宇記  
縣或在其地也蒲陰縣在定州東六十

里本漢安國縣也隋開皇六年自鄆城移安國縣  
於鄭德堡屬定州今縣是也其年仍改安國為義

豐唐神功元年改為立節神龍初復改為義豐宋  
改蒲陰縣宋史地理志祁州景德元年移治於定

州蒲陰按清類天文書金天會初祁州別築西  
城移州治焉元復移於東城舊治益即一城中分

為東西非更鄆縣故城在東鹿縣東漢置鄆縣後  
築新城也鄆縣故城漢曰鄆更始二年光武擊

銅馬於鄆即此水經注衡水又北經鄆縣故城東  
竹書紀年梁惠成王三十年秦封衛鞅於鄆改名

曰商地理風俗記曰縣北有鄆阜蓋縣氏之北齊  
移安國縣於此隋改置安國縣而故城廢隋書地  
理志鹿城縣舊曰鄆後齊改曰安國開皇六年改  
為安定十八年改鹿城章懷太子曰鄆縣故城在  
鹿城縣東按顏師古曰鄆苦么反與鄆同水經  
注作鄆地形志作鄆通典舊唐志作鄆太平寰宇  
記作鄆皆鄆字之訛也又舊唐書地理志先天二  
年分饒陽鹿城界置陸澤縣於古鄆城與隋志後  
漢書志不同

### 安定故城

在末鹿縣西北漢本始元  
年封燕刺王子賢為侯國

詳見深州

後漢初馬武從世祖擊尤來五幡等進至安定即  
此尋廢魏書地形志鄆縣有安定縣舊唐書地理  
志末鹿縣漢安定侯國今縣西北七十里故城是也舊  
志今有安國故城在今縣西北三十里蓋安定之  
訛也

### 貫縣故城

在末鹿縣西南漢高帝六年封越將  
傅胡害為侯邑後為縣屬鉅鹿郡後

漢更始二年光武馳赴信都擊堂陽賁縣皆降之  
即此縣尋廢水經注百尺溝東南經育城西斯汶  
水流經育城北育東鹿故城在今東鹿縣北隋開  
皇六年改安國置安  
城即賁城之訛也  
定縣後改鹿城唐又改今名元和郡縣志鹿城縣  
東至深州二十五里本漢安定縣地隋開皇三年  
於此置安定縣取漢舊名十八年改為鹿城取縣  
東故鹿城為名通鑑胡三省注東鹿本鹿城縣安  
祿山反元宗改縣為東鹿以厭之王存九域志縣  
在深州西四十五里舊志明天啓二年濬沱河決  
圯城移治縣南團頭市故城在  
今縣北三十五里今有舊城治高陽故城在今高  
陽縣東  
戰國時燕封榮釜為高陽君漢置縣應劭曰在高  
河之陽太平寰宇記縣在瀛州西北七十里舊志  
明洪武三年河溢縣始遷豐家口即今治東北去  
古城二十五里按司馬貞索隱縣即古高陽氏所

興高陽記故城一名化龍城周迴九里  
顧頌所築今其地名化龍村皆傳訛也  
渥城故城

今新安縣治水經注渥同口水側有渾渥城太平  
寰宇記渾泥城在容城舊縣南四十里水經注云

泥同口有泥城漢景帝改為亞谷城封東胡降王  
盧它之為亞谷即此地也金史地理志泰和四年

中改混泥城為渥城縣屬安州八年移州治渥城  
舊志元以金移安州治此故曰新安按太平寰

宇記為渥為泥金時亦曰混泥城而  
置縣則名渥城蓋當時嘗經考正也  
樂信廢縣在東

鹿縣西漢神爵三年封廣川繆王  
子強為侯國屬鉅鹿郡後漢省  
晏城廢縣在東

西隋開皇十六年分鹿城置晏城縣大業初廢唐  
武德五年桑顯和擊劉黑闥於晏城破之即故縣

也  
葛城廢城今安州治史記趙世家孝成王十九  
年趙與燕易土燕以葛與趙後漢書

郡國志高陽有葛城水經澆水經依城北地說無  
依城之名即古葛城也括地志故葛城又名西河  
城在瀛州高陽縣西北五十里太平寰宇記廢唐  
興縣在鄆縣西北五十里本漢高陽縣地舊名葛  
鄉城一名依城唐如意元年析河間縣置武昌縣  
隸瀛州至神龍初改為唐興縣石晉改為宜川縣  
周顯德六年併入鄆縣舊志宋太平興國七年高  
陽關鎮將敗遠於唐興口因置唐興砦淳化三年  
於砦建順安軍至道三年移軍治高陽此城遂廢  
金始置葛城縣為安州治明初省縣入州唐興故  
城在州東 清涼城 在清苑縣西南接博野縣界亦  
南二十里 曰將梁漢元朔二年封中山靖  
王子朝平為將梁侯水經注崕溝北逕清涼城即  
將梁也魏書地形志蠡吾縣有清涼城舊志在清  
苑縣西南四十里又 栢陵城 太平寰宇記漢武帝  
在博野縣西二十里 封趙敬肅王子終古

為栢陵侯廢城在清苑縣南 按栢陵史記作栢陽漢書表作栢暢皆與太平寰宇記不同 廣

養城

在清苑縣東六里城周四里南有河藪相傳燕昭王築以養馬處又養老城在縣西南去

望都二壁陽城

在清苑縣西南三十里五代時營壘也晉開運二年符彥卿等敗遼

於白城

在清苑縣西南三十里宋咸平六年王繼志與遼戰於康村傍西山而北至白城即

此今有長城

在安肅縣西北二十五里戰國時燕趙分界處水經注易水東流屈經長

城西即此今其地名長城口東接新安桑邱城在西北之長臺城綿延斷續勢如岡阜

桑邱城在

肅縣西南戰國時燕之南界也漢鴻嘉元年封東平思王子頃為桑邱侯括地志桑邱城俗名敬城

在遂徐城

在安肅縣東九域志安肅縣有古徐城周景王時大將徐峻所造舊志在縣東

十里又敵城在縣東南三十里相傳戰國時趙將  
趙葱顏聚與秦將王翦相持處又有空城在縣西

南三十里解王城  
長安城 在定興縣西北二十五  
里太平寰宇記在易縣

東南二十七里漢宣帝時幽州刺史李宣尚范陽  
公主主思長安乃築此城象長安故名城中有棗

樹花而不結枝皆向  
百樓城 在定興縣西南二十  
西南俗謂之思鄉棗 五里相傳唐太宗征

遼還於此築城以息  
古燕城 在新城縣西北十四  
將士今為百樓村 里相傳遼太后所築

有梳粧樓釣  
中人城 在唐縣西北左傳昭公十三  
魚臺遺址 年晉荀吳以上軍侵鮮虞及

中人文記趙世家敬侯十一年伐中山戰於中人  
後漢書郡國志唐有中人亭注博物記曰中人在

縣西四十里張耀中山記中山郡初治中人城城  
中有山故曰中山靖王受封始移治盧奴水經注

中山城俗亦謂之唐廣城在盧奴城北如西六十里括地志中山故城一名中人亭在唐縣西北四十里舊志中山城在今左人城在唐縣西北列子

縣西北十三里嶺上

左人城

趙襄子使新穉穆

子攻狄取左人中人後漢書郡國志唐縣有左人鄉注博物記曰在唐縣西北四十里水經注沱水

經左人城南應劭曰在中人城西北四十里按

唐舊志謂唐聖歷初移縣治左人城而縣距定州

僅五十里疑太近據後魏書孝昌二年五原降戶

鮮于修禮反於定州西北之左人城似又當在今

唐縣西南去鴻城在唐縣西北史記趙武靈王攻

定州不遠也中山取丹邱華陽鴻之塞註徐

廣曰鴻一作鴻正義曰鴻上故關今名鴻城在唐

縣東北六十里水經注沱水又東流歷上世謂是

處為鴻頭疑即晉書地道記所謂鴻上關者也關

耐治北平而畫塞於望都東北去北平不遠太平



寰宇記唐縣有鴻山關今名鴻城俗呼為鴻即城  
即帝堯時丹朱所居舊志今有鴻城社在縣西北

七十夏屋城在唐縣北水經注蒗水經安陽關又  
東經夏屋故城實中嶮絕竹書紀年

曰魏殷臣趙公孫衷伐燕高昌城在唐縣東北魏  
還取夏屋城曲逆者也書地形志望都

縣有高昌城水經注唐城南如東一十里里有一  
城俗謂之高昌縣城或望都之故城也舊志高昌

社在縣東北十八里有故城在縣伏城在唐縣西  
東北二十五里亦名堯城周二里南水經注

馬濁水出上曲陽城東北流經伏亭疑即八渡關  
尉宿治舊志符城在縣西南四十里唐河西岸蓋

即故伏城後人賈復城在唐縣北亦名寡婦城魏  
誤伏為符耳書地形志唐縣有寡婦城

水經注夏屋城東側因河仍墻築一城世謂之寡  
婦城賈復從光武追銅馬五幡於北平所作也世

俗音轉故有是名元和郡縣志寡婦故  
城在唐縣北九里舊志在縣北五十里  
王陵城在

縣西三十五里唐河東岸相傳漢高祖因於白登  
王陵將援兵屯此因名本朝乾隆十一年二十

六年四十六年

皇上巡幸五臺

鑿與經此並有灌嬰城在唐縣西四十里唐河西岸與  
御製詩 王陵城相對舊傳灌嬰所築晉

太和五年秦時苻堅滅  
連慕容暉至灌城即此  
電水城在唐縣西三十  
大

茂城在唐縣西北一百里  
唐河北岸古隘口也  
柳宿城在望都縣東南  
太平寰宇記柳

宿城在望都縣東四十二里漢宣帝母王夫人徵  
時與父母別處本柳宿侯國漢書王子侯表曰元

朔五年封中山靖王子益為柳宿侯是也舊志在  
縣東南四十五里有柳宿侯又有柳宿河在村西

二里東北連陽城在完縣東南後漢書郡國志蒲清苑界今於陰有陽城水經注陽城故城在

陽城淀西北蒲陰縣西北三十里通監晉隆安元年燕主寶聞魏王珪攻信都遣趙王麟攻陽城舊

志在今縣東南五十里堯城在完縣西南八里水經注望都城東有一城名堯始城又蘇水

經堯始亭南舊志今縣西南八里有堯城社本朝乾隆二十六年

皇上巡幸五臺鑿輿經此有

御製堯城甘城在完縣西北三里水經注蒲陰縣西昌安郭東有舜氏甘泉及舜二妃祠舊志

詩今縣西北三里朝陽城在完縣西魏書地形志望都里有朝陽城舊志縣西南十里

有朝侯世城在蠡縣東北水經注澹水又東北經侯世縣故城南郭丹城在蠡

縣東北四十里九域志宋與遼相持築此城以約和至今名為和甸

**易京城**

在雄縣西北後

漢書公孫瓚傳瓚破擒劉虞盡有幽州之地前此有童謠曰燕南重趙北際中央不合大如礪惟有北中可避世瓚自以為易地當之遂徙鎮焉乃盛修營壘樓觀數十臨易河通遼海魏志瓚與袁紹戰走還易京固守為圍塹十重於塹裏築京皆高五六丈為樓其上中塹為京特高十丈自居焉建安四年為袁紹所破魏書地形志易縣有易京水經注易京城在易城西四五里趙建武四年石虎自遼西南遶易京以京郭至固令二萬人廢壞之今者地壁夷地其樓基尚存猶高一丈餘基有井世名易京樓即瓚所築也杜祐通

**陽關城**

在雄縣西相傳

典易京城在歸義縣南十八里

守將楊延昭守關南時所築

**祭過城**

在安州西北徐水入滹處水經注徐水又東南經一

故城北俗謂之祭過城

### 安都城

在高陽縣西南三十八里漢文帝四年封齊悼惠王子志

為安寧侯即此又縣西有廣信軍新城宋熙寧中議移廣信軍於此因築此城尋廢

### 三臺城

在新安縣西太平寨宇記在容城南三十五里城冢記云燕魏二國分易水為界燕築三臺登降耀

武漢赤眉賊起兵於此亦築此三臺舊志在今新安縣西二十里亦名劉盆子若下有洞

### 戾城

在新安縣西十里相傳戾太子所居北一里又有涑城

### 梁門砦

今安肅縣治戰國時趙汾

門也史記趙世家孝成王十九年與燕易土以龍兑汾門臨樂與燕後漢書郡國志北新城有汾水

門水經注武遂津北對長城門謂之分門亦曰分水門又謂之梁門太平寨宇記靜戎軍本易州有

戎鎮周為梁門口寨在州東南九十里太平興國六年升為靜戎軍割遂城縣三鄉屬焉九域志是

年以靜戎縣為軍治景德元年改軍縣  
俱曰安肅舊志有南城在今縣南一里  
舊大寧都

司 在府治西明洪武二十年建北平都司於大寧  
建文三年燕王還北永樂初改為大寧都司領

衛十一千戶所一有保定左衛保定左右中前四  
衛俱在都司治西又有保定後衛在都司治東今

皆裁 按元劉因有宣化堂記即大寧  
都司之後堂至元中治中周五戡建  
雲川故衛

在雄縣治北明洪武初  
置永樂中遷於白楊口 督亢亭 在新城縣北一里  
紫泉芹河之間遺

址突峙高二三丈又見涿州及固安縣蓋自易  
州涑水以東及涿州固安之界皆古督亢地也 麗

亭 在新城縣西北水經注酈亭溝上丞督亢溝水  
於迺縣之東南流歷紫淵東余六世祖自涿之

先賢鄉爰宅其陰西帶巨川東翼茲水枝流津通  
經絡埴圃匪直田漁之贍可懷信為遊神之勝處

也舊志今有鄜村鄜哥  
莊皆在縣西北四十里  
**三梁亭** 在望都縣東水經  
注博水東南經三

梁亭南疑即古勺梁也竹書紀年曰燕人伐趙圍  
濁鹿趙靈王及代人救濁鹿敗燕師於勺梁者也

今廣昌東嶺之東有山俗名  
曰濁鹿羅地勢相隣或近是  
**解瀆亭** 在祁州東北  
後漢陽嘉初

封河間孝王子淑為解瀆亭侯即靈帝之祖也元  
和郡縣志解瀆故城在義豐縣東北之九里  
**安**

**郭亭** 在祁州東南水經注滌水自任邱城又東南  
經安郭亭南漢武帝元朔五年封中山靖王

子傳富  
為侯國  
**白團衛村** 在清苑縣西南石晉開運二年敗  
遠於陽城師還至白團衛村今有

白團村在縣西南四十里又  
有白團集在縣西南三十里  
**廉梁村** 在清苑縣西南  
十里宋史真宗

紀咸平二年鎮定都部署言敗遠於廉  
梁路舊志雜水經此有石梁謂之廉梁  
**黃村** 今定興縣

治金史地理志涿州定興縣大定六年以范陽縣黃村置割涿水易縣近民屬之 藻西莊

在滿城縣一畝泉傍 駐蹕莊 在新城西北三十五里元劉因曾卜居於此 元至高陽縣西南六

畝於此嘗賜丞相拜住 六家莊 在高陽縣西南六里元至治中英宗造

為別業俗呼高密店 伊拉仲奕努為河間公以獻蠱安深州河間肅寧

武強饒陽六家莊即山寨隸焉今為六家莊社伊拉仲奕努舊名移 光春宮 在安肅縣界金史章宗

刺衆家奴今譯改 紀泰和三年勅行宮名曰光春其朝殿曰蘭皋寢殿曰輝 建春宮 在新安

寧地理志遂城縣有光春宮行宮 在安州遠吳村東相傳南為金章宗行宮 韓家宮 宋韓琦為定州路安撫

明改為行太僕寺 使築 萬卷樓 在府治內元守帥賈輔建以經傳子此 史百家法書名畫別為九等置其上



又邀致郝經築堂樓  
側以居之經有記

橫翠樓

在府內北東元張鳴  
景建劉因有賦

霜樓

在府治東北明宣  
德間知府周監建

卷石樓

在清苑縣北耶明  
知縣崔泌之築碩

果園建

齊雲樓

在安州城西北隅全大  
定間郡守完顏安遠建

讀書堂

在

樓其中  
城縣抱陽山東北巖下聖教寺中唐張說讀書於  
此一名張燕公石穴下名相公堂又元郝經讀書

堂在縣鐵佛寺  
寺經自有記

擬江亭

在安肅縣南十里元秦定北  
間知州高侯建張辛為記

海亭

在定興縣東南十五里  
明鹿善繼講學之所

望山亭

在雄縣城內  
元皇統二年

建後改名  
均樂亭

解瀆亭

在祁州東北水經注瀉  
水經解瀆亭南即此

雲錦亭

在安州城東南隅金郡守完顏安  
遠建下臨清溝荷渠覆水故名

高陽關射亭

在

陽縣東舊城宋初建梅充臣有詩  
**萬木亭** 在高陽縣北門外  
**望馬臺** 在清苑縣

東北一百里宋將楊延昭築以相馬  
**北臺** 在唐縣西明統志慕容垂都中山時嘗登北臺望馬

耳  
**天風臺** 在唐縣西北葛洪山巔相傳洪隱居修煉之所  
**駐駕臺** 在雄縣東七里

相傳周世宗駐蹕於此又城子臺在縣東南八十里平地突起狀若城垣  
**馬臺** 在縣西北三十里

高數丈相傳燕魏分易水為界築二臺以登涉而耀武  
按瞭馬一名涼馬後燕錄慕容容垂自涼馬

臺結筏而渡曹學佺名勝志謂此北地容城  
縣東二十餘里亦有瞭馬臺相傳楊延昭築  
**愛景**

**臺** 在雄縣北宋何承矩築見後山叢談  
**高陽臺** 在高陽縣東舊城宋曾布鎮高陽時所築

**抱陽南軒** 在滿城縣抱陽山中亦名繼志庵  
宋紹聖間元仲良父子講業於此  
**百花**

嶼

在清苑縣城南雙溪上亦名百花園

矮松園

在清苑縣城西南隅元劉因有矮松賦即

北高氏園

在府城東北隅元郡人高氏所創景物穠秀人皆遊賞內有翠錦堂劉因為記

古木廠

在唐縣西三十里唐河東岸

石柱

在定興縣西北太平寰宇記石柱在易縣

東南三十里臨易水州郡志云魏末杜葛亂殺人如麻齊神武拾遺骸莖於此立石柱以誌之

關隘倒馬關

在唐縣西北一百五十里水經注滏水東逕倒馬關關山險隘最為深峭元和

郡縣志倒馬故關在唐縣西北距縣一百二十里山路險峻馬為之倒固名胡三省通鑑注自蔚州

廣昌縣東山南出倒馬關至中山山上曲陽縣關山險隘石逕逶迤沿途九曲誠控扼要地也關隘

考倒馬關有二城上城明洪武初建景泰三年以上城界隘于城南三里復築下城南號橫岡北臨

巨水屯駐官軍成化以來相繼增修屹為重鎮舊  
志明初設巡司防守景泰三年增設守禦千戶所  
嘉靖二十九年設倒馬關叅將 本朝初設副將  
順治十年改設都司僉書與居庸紫荆稱為內三  
關 按漢志代郡有常山關顧祖禹方輿紀要以  
為即倒馬關劉昭後漢書注引博物記唐關在中  
亭西北百里計其道八渡關 在唐縣西北一名馬  
里亦即今倒馬關也 溺關水經注晉地道  
記曰望都縣有馬溺關中山記曰八渡馬溺是山  
曲要害之地關勢帶接元和郡縣志八渡故關在  
唐縣西北二十里太平寰宇記有水屈曲八渡水  
上置關因名漢戍也縣志關在縣西北六十里即  
橫河口十八渡也明移置軍城巡司於此 本朝  
乾隆十五年

皇上巡幸五臺  
鑿輿經此有

御製十八安陽關

在完縣西北水經注潯水南逕安陽  
波詩 亭東晉地道記曰蒲陰縣有安陽關

益安陽關都尉所治又東南逕安陽關下俗名關  
舉為唐頭坂元和郡縣志安陽故關在北平縣西

北二十五里舊志今縣西北

瓦橋關

在雄縣南易  
水上海唐大厯

二十七里有東西安縣二村

九年盧龍留後朱滔討田承嗣軍於瓦橋周顯德

六年代遠宋太祖先至瓦橋關達守將姚內斌舉

城降因以瓦橋關為雄州胡三省注瓦橋古易京

之地在莫州北三十里唐置瓦橋關宋白曰瓦子

濟橋在涿州南易州東當九河之末舊置瓦橋關

後周於瓦橋關地置為雄州沈括曰瓦橋關素無

關河為阻仁宗時何承矩守關始因陂澤之地臨

水為塞慶厯中內侍楊懷敏復墮為之熙寧中又

開徐村柳莊等濼皆以徐鮫沙唐等河口叫猴雞

距五眼等泉為源東合潯沱易白等水并大河於

是自保州西北沉遠樂東盡滄州泥姑海口凡八百里悉為渚自是以為藩籬

### 草橋關

在高

陽縣西二十里周顯德六年復三關以控燕薊雄曰瓦霸曰益津高陽曰草橋俱置以重兵

按舊

志于霸州失載益津關而誤列高陽之草橋關今改正又畿輔通志于高陽縣亦失載草橋關而於

高陽關下注云一名草橋蓋誤以高陽關為草橋關不知草橋關在高陽縣西高陽關則在縣東不

得混而為一附辨於此

### 高陽關

在高陽縣東舊縣治宋初曰關南以其地在三關之南也

太平興國七年改置高陽關慶曆八年置高陽關路安撫使統流莫維貝冀滄承靜保定乾寧十州

軍為控扼

### 南關

在祁州南接深澤縣界又北關在要地金廢

五年

### 岳嶺口

在唐縣西北一百二十里古恒河山口也明初置巡司于此今裁

### 橫河

口 在唐縣西舊設巡司于倒馬關後移置此  
以守唐縣曲陽之界今仍移駐倒馬關 鷹捕

嶺口

在完縣西北五十里東北去水谷口二十里  
西南去五虎嶺口二十里西去銀山口十里

縣志自水谷口至唐縣 百尺口 在束鹿縣南四十  
里周家堡凡十三關口 里有橋曰百尺口

橋舊設巡

邊吳淀口

在安州西宋會要邊吳淀西  
望長安口尚有百餘里守山

司今裁

阜高邛水不能至遠每言宋人安事塘泊吾駢馳  
交得北路足矣明道末引塘水開方田有險可恃

張登店

在清苑縣南五十里道出望都為往來津  
要明嘉靖十三年移方順橋巡司於此今

因之其北有保安鎮 拱辰鎮 在滿城縣西南五十  
里明萬曆十五年建 里明萬曆十三年拓

撫流移創置 巨河鎮 在新安縣西南  
今居民甚衆 舊有巡司久廢 赤岸鎮 在唐  
縣南

唐武德六年葛開道自易州南掠赤岸鎮九域志鎮在定州

軍城鎮

在唐縣西北九十里

南至曲陽縣八十里北至倒馬關六十里宋楊延昭於此築城屯軍金時置鎮明洪武初置馬驛于此

永安鎮

在博野縣南唐水之陽舊置巡司又鐵燈蓋巡司在縣東南滋水之陽今俱廢

永豐鎮

在望都縣東南又有來安鎮亦在縣境

新橋鎮

在蠡縣東北六十里九域

志博野縣有新橋鎮

張山砦

在安肅縣西山地絕陡峻鳥徑扳緣而上

烏雞砦

在安

肅縣西四十五里明洪武間有姚氏兄弟七人結砦於此

水谷砦

在完縣西北金末靖安民

嘗守於此今完縣西北有北谷等口

張家砦

在雄縣東南六十三里九域志歸信縣有張家

木場三橋雙柳木渴大姑紅城新垣等八寨皆宋時所置今俱為村

王家砦

在新安縣東南



十里又馬家砦  
在縣南八里

陘陽店堡

在滿城縣南三十五里  
又縣西南三十里有北

舖店堡五十里有方順橋堡俱明嘉靖二十  
五年築又置墩臺十六亦設小堡以便守望  
周家

舖堡

在唐縣西北一百十里倒馬關東  
路隘口也明洪武間置巡司今裁  
陳家堡

在容

城縣東

五女堡

在祁州西接定州  
界一名五女店

龍化堡

在高陽  
縣東二

十五里舊城之北又惠伯口堡在縣東五十里利  
家口堡在縣東南二十五里進莊堡在縣西二十

里俱明嘉

大王店

在安肅縣西南四十里有集宋  
太平興國四年燕王德昭屯兵

靖間築

大王鎮

三甲店

在新城縣北三十五里北至涿州  
之中道也又高密店在縣西北三

即此

十五里  
白溝店

在容城縣  
東三十里

唐酒店

在唐縣西北四十  
里路通倒馬關南

北山路崎嶇  
年設兵防守後移鎮關廟  
本朝康熙三  
劉陀店  
在博野縣東  
又縣北有陶

壚店明洪武  
間建舖於此  
金臺驛  
在清苑縣東一里許宋金臺  
頓也明置驛于此今因之又

有通運所在縣西南五  
里明永樂七年置今裁  
白溝驛  
在安肅縣治東明  
洪武六年自縣北

十里移置於此今因之又舊  
有通軍所在電河北今裁  
宣化驛  
在定興縣治  
東南明洪武

三年置今因之又舊通  
運所在縣東門外今裁  
歸義驛  
在雄縣之西故歸  
義城明洪武三年

置本朝順治十六年裁後復置又舊有通運所  
在縣南瓦橋關西北河泊所在縣東三十里俱明

洪武中置  
天順間廢  
陘陽驛  
在滿城縣南三十五里  
明置舊有驛丞今裁  
翟城驛

在望都縣治北明永樂中置  
年裁後復置又通運所在縣東關外今裁  
本朝康熙三

津梁天水橋

在清苑縣南門外跨一畝泉水明弘治四年建隆慶五年重脩本朝乾隆十

一年二十一年重加脩治

大冉石橋

在清苑縣南北大冉村跨石橋河本朝順治十七

年重脩方順橋

在滿城縣南五十里隋開皇間建長十五丈石室雕闌堅緻雄偉本朝

皇上巡幸五臺以來屢加脩葺乾隆二十六年四十六年

鑿輿經此有北石橋在滿城縣東北奇村西又中石橋御製詩在縣東南奇村西南石橋在縣奇

村南皆雞距一畝泉河之要津徐河橋在安肅縣南三十五里電河橋在安肅縣

北關田村橋在安肅縣北二十里水出平地三時外派分流經柳灣入淀明天順中建時

濟橋在定興縣南四十里固昇仙橋在新城縣南關村北明成化間建關傳金時有

有人賣藥橋上  
後仙去因名

泗莊橋

在新城縣東  
南十五里

馬村河橋

在新

城縣西  
三十里

騰橋

在唐縣西三十里  
中建柱縱三行橫九行  
相去各七尺

水村南明萬歷

許長  
五尺

大夫橋

在博野縣西西章村  
明都御史吳積建又村西有  
淑人橋

白溝橋

在谷城縣東  
十里跨白溝河

黑龍口石橋

在谷城縣  
南二十里

五郎橋

在完

縣東北八里又新興橋  
縣東十五里皆跨蒲水

下叔橋

在完縣南六里  
西有唐縣柳河

故此二水二有伊祁五  
雲諸泉山水總會經此

堯成橋

在完縣西南七里  
通祁水乃下河上

上流  
也

瓦濟橋

在雄縣  
城南關

月漾橋

在雄縣南十二里  
河間府任邱縣南界

亦曰易陽橋明建文時燕王破李景隆於雄縣伏  
兵月漾橋即此新安高陽諸水皆經此連茅兒灣

按北橋接任邱之趙北口臨白洋  
永通橋在雄縣西

淀環楊柳堤橋梁相接凡十餘座  
一里橫波白溝  
望春橋在祁州東道通府城  
湧泉橋在祁州西又西

河明景泰中建  
為張雙鳳橋在東鹿縣東南二十里  
無闕橋在東鹿縣西南十五里溥沱河

村橋  
上西安橋在安州西十里路通保定明成化中建  
安濟橋在安州北關跨依城

河元大弘濟橋在高陽縣南三里許跨馬家河明定間建景泰中建名馬家橋正德中移建

于橋西一里許更名通東渡橋在高陽縣東南二十里明崇禎六年

濟嘉靖中遷北改今名  
建勢極高聳遠雲衢橋在新安縣東南隅  
長流橋在新安縣西南

望如長虹飲水  
五里濡瀉諸水合流  
三臺石橋在新安縣西跨電河  
漕河渡

在安肅縣南 二十五里 河陽渡 在定興縣南十里洑易沙三河合流于此當河北通津明

洪武間置巡司萬厯中移于縣南四十里固城鎮後復移此今裁

堤堰千里長堤 起清苑縣託河間府獻縣之城家橋周迴于順天保定河間三府之境長

千餘里綠河繞淀為數十州縣生民之保障 本朝康熙三十七年

聖祖特發帑金

命河臣王新命修築雍正三年怡賢親王奉

命重修令益堅固乾隆 三岔河堤 在清苑縣東自高陽縣馬家莊至縣夾河鋪延

二十七年復修 接安 劉家口 在清苑縣東長三十八里明嘉靖

州 十六年築以防一畝泉河泛溢 拒

馬河堤 在唐縣西北軍城 石堤 在唐縣北 本朝西北明萬厯間建 順治三年築以防

山水後  
屢脩  
滋河堤  
在博野縣南又南  
界堤  
在望都縣南三十里

以防洩  
水泛漲  
長堤  
在容城縣東北東接雄縣西接定抹  
興長四十餘里以防白溝河水

尖口堤  
在完縣東南濡蒲二水會合之下流  
水勢湍急  
本朝康熙十年重脩  
曲堤

在蠡縣  
萬柳堤  
在雄縣南即趙北口官道也其地  
為高陽新安諸水匯流處舊有橋

明正德中築堤植柳為固  
本朝順治康熙中  
屢修雍正四年加築乾隆二十七年又經脩葺

鑿輅時巡經此均有  
每遇

御製詩  
唐河堤  
在祁州南唐河北長二十里與蠡縣博  
野相連又有清水河東堤長十餘里沙

河北堤長十里許皆明嘉靖以來修築通志自祁  
州以下岸土扶沙最易頽圯宜于頂溜掃灣築挑

水迎水等壩

南堤

有四俱在采鹿縣南防鴉兒河者曰趙念紅花防滹沱河者曰

張岔口  
白蓮口

邱家道口堤

在安州東南長三百五十大又萬柳堤在邱家道口南長

二十里又安亭堤在州東南三十里自邱家道口至高陽東北長十五里又大滹沱堤在州東南三

十五里長

直亭口堤

在安州西長九里

古堤

在安州北易水之濱東延

雄縣南接蓋縣以防九河之水

倒义口堤

在安州北長十二里又濡陽堤在州北十里長

十六里壇臺口堤在州西北與護城堤相接長一萬七百二十丈俱明嘉靖中築

徐曹河

堤在安州西北徐曹二水合流之地南北岸各五里明嘉靖中築

樓堤

在高陽縣城東延袤

五十里以防諸龍河

車道口堤在高陽縣東諸龍河之尾明萬曆末築以補唐堤之缺



唐堤

在高陽縣界二十五里樓堤之北南

龍河堤

在高陽縣舊治東

白牛堤

在高陽縣東南相近有駱駝灣堤皆以防蠶縣

水之溢

馬家河堤

在高陽縣東南自南至北長三十里又橫堤在縣西南六里長

六七里又榆堤在縣東南長二十里

蓮子口堤

在

陽縣南蠶縣界長二十里

三岔口堤

在高陽縣西南長五里以防土尼河

關家灣

堤在新安縣東長十五里直抵安州又楊柳口堤長五十里燒場口堤長二十五里白家窪堤長

二十二里俱在縣東南

大河南堤

在新安縣南其長城堤

在

安縣西延袤數十里又磚瓦口堤孟家溝堤俱在縣西

聖母淀堤

在新安縣西南長七

里水堰

在望都縣東十二里明永樂間築截河水溉田植稻崇禎中易土以石穴孔以時蓄

淺本朝康熙

電河堰

在新安縣西北長十里明嘉靖間築

積水閘

照中重修

在清苑縣西吳家灣明嘉靖

湯家閘

在清苑縣東楊家莊明嘉

靖間建

本朝康熙中重修

靖間建即今上閘又青楊樹閘

滾水石壩

在安肅縣之姜

在縣東青楊樹村即今下閘

女廟支河口以防瀑河

之水乾隆二十八年建

陵墓額頊陵

在高陽縣東舊城東門外又有廟在縣東一里

堯母陵

在望都縣城內

明嘉靖中脩理祠寢又丹朱

宋三陵

在清苑縣東南御城西北

信祖曰欽陵順祖曰慶陵翼祖曰安陵太

周劇辛

平興園中以祖宗陵墓所在因置保州

墓

在容城縣東二十五里劇村

廉頗墓

在清苑縣西十里廉梁村有祠堂

樊於

期墓

在蠡縣東北四十里舊有廟碑

漢中山康王墓

中王頃王

墓

中山憲王墓

皆在唐縣西北水經注瀧水又東逕京邱北京南對漢頃王陵

瀧水北對君子墓岸上有哀王子憲王陵瀧水又東逕白土北南即靖王子康王陵三墳並列

吾侯塚

在蠡縣東二里漢桓帝父蠡吾侯翼所葬後追崇曰博陵陳平墓在宛縣西

北十六里陳侯村

張蒼墓

在滿城縣西十里又縣南門外有北平侯廟詳後

王尊

墓

在高陽縣東北舊城北接安州界太平寨宇記冢元在武垣城東北隅尊為東郡太守而卒其

柩一夜自歸今猶祀蔡仲墓在高陽縣東太平寨之呼為東郡阿翁歸宇記九州要記云漢

南陽太平高陽侯蔡仲冢在城北仲  
唐崔子玉墓  
晚厭勝之術其冢至今無狐狸穴

在祁州張興墓  
在東鹿縣北三十里地名紅草  
張  
西南隅張興墓  
坡其草獨紅相傳為忠血所化

行成墓  
在望都縣東  
宋周元儼墓  
在容城縣東  
南張姚村  
北十里石碣

猶存元儼太宗  
楊業墓  
在唐縣西北一百十  
程氏  
子真宗弟也  
里相傳業戰歿於此

祖塋  
在博野縣東南二程子五世祖塋也明  
金章  
初碑始廢又有博士程琰墓亦在塋中

宗妃李氏墓  
在新城縣南  
時立愛墓  
在新城縣  
段村北五里  
西北里許

焦用墓  
在雄縣西二里子  
張柔墓  
在滿城縣北十  
德裕墓在其左  
五里岡頭村亦

名張弘範墓  
在定興縣西  
史弼墓  
在博野縣  
家峪  
南十八里  
西北陽村

誠墓

在定興縣南

尚野墓

在滿城縣西北五里于師簡附墓

劉因墓

在容

城縣東北十五里今名賢塚

王綱墓

在新安縣西三臺村

王壽墓

在新城縣西二

十里中穆茂墓

在東鹿縣北六十里

明邱鵬墓

在唐縣西北四十里白合

麓山王思祖墓

在安州東南一里許

王驥墓

在東鹿縣南三十里

侯瓚墓

在雄縣東北二里于觀墓在其東一里

田景暘墓

在高陽縣西三里

寇深墓

在唐縣東南十八里

王寅墓

在容城縣北白溝河右

袁宗儒墓

在雄縣西七里

郭鎮墓

在雄縣南二里

楊繼盛墓

在定興縣西南八里舊在容城縣東明萬

世

祖章皇帝御製表忠

論勒石旌之

歷三年遷此

本朝順治十三年

孫承宗墓

在高陽縣

城北 二里 金毓峒墓

在清苑縣西  
南金家莊

張羅彥墓  
在清苑縣  
城之西南

隅

祠廟堯母廟

在望都縣城內東隅  
朝乾隆四十七年

勅修 帝堯廟  
在望都縣

北郭元至元三年建又有廟在唐縣治西儒學署  
之東明嘉靖中建 本朝乾隆四十七年 勅修

禹王廟

在新安縣治北  
鄉民建以鎮水

城隍廟

在府城北  
乾隆二十四年總

督方觀承奏請脩建 漢高帝廟  
御賜榜額曰畿南保障 在唐縣東北育山  
之陽相傳高帝解

圓白登駐蹕于此  
後人追思立碑

光武廟

在東鹿縣西南  
二十里頌井中 燕昭王

廟

在定興縣西三十里黃  
金臺上以郭隗樂毅配

河神廟

在唐縣西三十  
三里明萬曆中

建趙簡子廟

在滿城縣北眺山下晉永康元年立  
舊傳簡子築北平城以拒燕故祀之

本朝乾隆二十六年

皇上巡幸五臺

鑿輿過此有

北平侯廟

在滿城縣南外祀漢丞相張蒼  
本朝乾隆二十六年

御製詩

皇上巡幸五臺

鑿輿經此有

御製詩

邳彤廟

在祁州南門外

崔府君廟

在祁州南祀崔子玉  
唐明皇封為靈聖侯

宋真宗時加封

張將軍祠

在東鹿縣舊城南祀唐將張興

許睢陽

護國西寧王

祠

在高陽縣西祀唐睢陽太守許遠

齊公祠

在高陽縣西關之外  
明天啓中建祀唐相

齊

三守祠

在安州治西北祀宋楊延昭金徒單  
元完顏安遠又容城縣西北有楊將軍

欽定大清一統志

卷一百一十五

七

廟專祀

延昭

二程祠

在博野縣東南元時建宋程明道伊川按二程子五世而上居博

野曾祖而下遷河南

二忠祠

在新城縣南里許祀宋張叔夜文天祥明萬曆間建本朝乾

隆二十二年

聖駕南巡經此有

御製

二忠祠詩 雙忠廟

在雄縣北白溝祀宋張叔夜明陳復初以二人殉節處故祀之劉靜

脩祠

在容城縣治西南元至正間建祀劉因

二賢祠

在府學西元劉因郝經講道保

定路後人

忠孝祠

在雄縣易陽門內祀元孝子王庸明臣楊松潘忠

忠愍

祠

祀明楊繼盛一在府治西明隆慶二年建本朝順治中

世

祖御製文立碑祠內表忠乾隆十五年聖駕西巡經此有



御製

旌忠祠詩一在府西關外明萬曆二十九年建一

在定興縣河陽渡明天啓中建本朝康熙二年

水蓄移建縣南北河店一在鹿廷尉祠在定興縣

容城縣學東明萬曆四年建鹿廷尉祠城中祀明

鹿善繼宗孫文正祠在高陽縣南關忠烈祠在府

禎十年建祀明孫承宗

關外本朝康熙六年建祀明賢良祠在府城內

末殉難諸臣雍正九年重修

朝雍正十年靈濟祠在唐縣西南本朝乾隆十年

一年建總督高斌引唐河水以興水利

尾靈濟祠祀唐河神祠右有秀水軒十五年二十

六年四十六年

皇上巡幸五臺

鑿輿經此皆有

御製詩

聖女祠

在清苑縣東南太平寰宇記女姓薛字義女鉅鹿人嫁為樊輿王文妻死于城

隅就而祭之  
俗名祭隅城  
郝聖姑祠  
在安州東太平窠守記高陽縣有聖姑祠邢子勵記

云聖姑姓郝字女君魏青龍二年樵于滄徐二水合流之處有數青衣從水出曰東海公聘女君為

婦因敷茵褥于水中置女君于上順流而去因立為祠今水岸有郝女君招魂葬處時人呼為元姬

冢舊志在今  
州東六里  
孝烈廟  
在完縣東即木蘭祠相傳木蘭女嘗代父戍此唐封孝烈

皇上巡幸五臺經此有  
將軍  
本朝乾隆十一年四十六年

御製木蘭  
祠詩  
紫泉龍祠  
在新城縣西南三十里旱  
祈輒應元蘇天爵有記

寺觀永寧寺  
在府治南元中統二年建貯佛經五百卷  
靈雨寺  
在府城西  
本朝乾

皇上巡幸五臺經此  
隆十一年

御賜榜額二前殿曰筏通彼岸後殿曰現清淨身二十五年復

賜寺門榜一二十六年四十六年  
鑿輿再幸皆有

御製詩

大覺寺

在滿城縣北明洪武初  
因舊重建置僧會司

龍泉寺

在滿城縣東府

志故老相傳寺建自隋唐四無墻垣古木森列後有雞距泉右有紅花泉上通一畝泉為遊賞勝地

東林寺

在定興縣治東南金明昌中建明洪武中重建舊有唐賈島倚持之地

萬壽

寺

在定興縣西江村明鹿善繼講學於此禪室皆寓生徒僧行亦尚儒雅書聲遠旦者三十年

鐵瓦寺

在定興縣南四十里明正德中建屋瓦羅漢皆鐵鑄

開善寺

在新城縣城內

東北隅大殿內藤胎八金剛俯仰各四如唐吳道子筆意

皇上有題開善寺詩

**法果寺**

在唐縣西寺前有塔唐垂拱中建高數百尺

**靈源寺**

在唐

縣東北靈源山唐上元二年建

**靈光寺**

在博野縣東南二十五里唐高宗時建有古塔明洪

武中重建 **稽古寺**

在完縣西六十里唐開元中安國侯陳思傑因三藏法師元奘葬母骨于此

此乃建寺名寄骨寺後有三藏舍利塔明天順時脩易名曰稽古

**演法寺**

在完縣西前後

層巒聳翠殿宇壯麗為縣西第一叢林

**石佛寺**

在唐縣唐巖山之東腰寺後有風雨二池

順治九年重修 **雙泉寺**

在完縣西北五十五里周圍山列如屏寺畔雙泉噴湧故名

**佛寺**

在完縣伊祁山元至元十五年建山半有母母洞峻增蒼翠古栢森然

**法雲寺**

在完縣城內東北隅明洪武中建古木林列頗稱幽靜

**寶寧寺**

在靈縣治南南隅明洪武

中重建鐵佛高二丈四尺  
所坐鐵獅長一丈八尺

珍珠寺

在東鹿縣北  
三十五里

極層觀

在安肅縣故遂城北  
宋楊延昭建觀左有臨瀑亭

建福觀

在定興  
縣百樓

村其地即公孫瓚避世築城以自固者  
由唐及宋遺址猶存金時始為道觀  
九峻觀在唐

縣西七十里葛洪  
山前宋政和初建

欽定大清一統志卷十一